

**UKA 2017/22: Namminersorlutik Oqartussat missingiummut uunga isumaqataanissaat
pillugu Inatsisartut aalajangiiffigisassaattut Siunnersuut
Kalaallit Nunaannut Pinerluttulerinermik Inatsisip allanngortinnissaa pillugu
Inatsisissatut Siunnersuut (Killiligaanngitsumik eqqartuussat allallu
inissinneqartarnerat¹)**

pillugu

Inatsisinut Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Debora Kleist, Inuit Ataqtigiit, Siulittaasuugallartoq
Inatsisartunut ilaasortaq Pitsi Høegh, Siumut, ataatsimiititaliami sinniisoq, Siul. tull.
Inatsisartunut ilaasortaq Iddimanngiiu Bianco, Inuit Ataqtigiit
Inatsisartunut ilaasortaq Laura Táunâjik, Siumut
Inatsisartunut ilaasortaq Per Rosing-Petersen, Partii Naleraq

**1. Oqaaseqaatit aallarniutaasut: Inatsisissamut missingiut imaqarniliarlu iluarsiiiffigisat.
Tusarniaanermut akissutit**

Inatsisinut Ataatsimiititaliap inatsisissamut missingiummik imaqarniliamillu iluarsiiiffigisanik ulloq 10. oktober Naalakkersuisunit tigusaqarpoq. Isumaliutissiissut una ataatsimiititaliallu inassuteqaatai taakkunannga tunngaveqarput. Inatsisissamut missingiut iluarsiiiffigisaq imaqarniliarlu iluarsiiiffigisaq isumaliutissiissummut ilanngussaq 1-itut aamma 2-tut ikkunneqarput. Tusarniaanermut akissutit isumaliutissiissummut ilanngussaq 3-tut ikkunneqarput.

2. Siunnersuut tunuliaqutaalu

¹ Aalajangiiffigisassatut siunnersuutip kalaallisoortaani qulequttap ataaniittup allassimanera inatsisissatut siunnersuummi qulequttap ataaniittup allassimaneranut naapertuutinnigilaq. Aalajangiiffigisassatut siunnersuummi qulequttap ataani allassimasoq inatsisissatut siunnersuummi qulequttap ataani allassimasumut naleqqiullugu danskisoortaani qulequttap ataani allassimasumut naapertuunneruvoq. Taamaattorli isumaliutigineqarsinnaavoq nutserneqarnera pissusissamisoortoq tassaassannginnersoq: ” Killiligaanngitsumik tigummisassanngorlugit eqqartuunneqarsimasut allallu inissinneqartarnerat”.

1950-ikkuniilli inuit pinerluttulerinermi inatsit malillugu tigummissassanngorlugit eqqartuunneqartartut isumannaatsuunissamut aarlerinartuusutut nalilerneqartut Danmarkimi inissinneqartarput, tamanna Kalaallit Nunaanni inissiisarfiit naammaginartumik katsorsaanissamut neqerooruteqarsinnaanngimmata inunnillu immikkut navialisitsisinnaasunik isumannaatsumik inissiivigineqarnissamut atortulersugaanngimmata.

Kalaallit Nunaanni Eqqartuussiveqarneq pillugu Ataatsimiititaliarsuup 2004-mi kaammattuutigaa Kalaallit Nunaanni tigummissassanngorlugit pineqaatissinneqarsimasunut immikkoortortamik, pisariaqarnera naapertorlugu tarnip nakorsaanit tarnillu pissusaanik ilisimasalinnit sullissiviusinnaasumik pilersitsisoqassasoq, taamaalillutik tigummissassanngorlugit eqqartuunneqarsimasut siunissami immikkoortortami pineqartumi inissinneqarsinnaanngortillugit.

Kaammattuut ilaatigut, kalaallinik killiligaanngitsumik tigummissassanngorlugit pineqaatissinneqarsimasunik Herstedvesterimut inissiisarneq pisut ilaanni (pineqartup ilaqutariinnikkut atugai tunngavigalugit) Europamiut Inuit Pisinnaatitaaffii pillugit Isumaqatigiissutaanni artikel 8-mik (ilaatigut ilaqutariittut inuunermik ataqqinnittussaataanermit tunngasumut) innarliinerusinnaaneranik Kalaallit Nunaanni Eqqartuussiveqarneq pillugu Ataatsimiititaliarsuup isiginngitsuusaarinnissinnaannginneranik tunngaveqarpoq. Ilaatigullu qanorluunniit taamanikkut eqqartuussisarnermi periutsit naleqquttut pigineqarsimanngikkaluarpata aamma Kalaallit Nunaanni Eqqartuussiveqarneq pillugu Ataatsimiititaliarsuup mattussinnaanngilaa kalaallimik killiligaanngitsumik tigummissassanngorlugu Herstedvesterimut inissiineq (suliap pineqartup qanoq ittuunera apeqqutaatillugu) Europamiut Inuit Pisinnaatitaaffii pillugit Isumaqatigiissutaanni artikel 3-mik (naalliutsisarnermik, inuppalaanngitsumik nikassaataasumilluunniit iliuseqarfiginnittarnermik pillaasarnermillu inerteqquteqartumik) unioqqutitsinerusinnaasoq.

Kalaallit Nunaanni Eqqartuussiveqarneq pillugu Ataatsimiititaliarsuaq apeqqummik nalilersuinerminut atugassaminik Dansk Center for Menneskerettighederimit oqaaseqaatinik pissarsisimavoq.

Kalaallit Nunaanni Eqqartuussiveqarneq pillugu Ataatsimiititaliarsuup kaammattuutai Inatsisartunit 2006-imi taparserneqartut² tunngavigalugit Nuummi inissiisarfissaq nutaaq maannakkut sanaartorneqarpoq. Inissiisarfissaq ilaatigut ammasumik, Nuummi inissiisarfimmut pisoqalisimasumut ullutsinnullu tulluarunnaarsimasumut taartaasussamik

² UPA2006/06

immikkoortoqassaaq, ilaatigullu matoqqasumik, ilaatigut killiligaanngitsumik tigummisassanngorlugit pineqaatissinneqarsimasunik inissiiviusinnaasumik immikkoortoqassalluni.

Inissiisarfik katillugit inissinneqarsimasunut 76-inut inissaqassaaq, immikkoortuani matoqqasumi 40-nut inissaqarluni, immikkoortuanilu ammasumi 24-inut kiisalu iperagaanissamut piareersartunut immikkoortortaani 12-inut inissaqarluni.

Sanaartornerup piareersarneqarnerani piunasaqaataasimavoq tigummisassanut 20-nut inissaqartitsissasoq, matoqqasumili inissat 40-t qanoq atornerarneri allanngortinneqarsinnaassapput, taamaalillutik sukkulluunniit pisariaqartitsineq naapertorlugu naleqqussarneqarsinnaassallutik.

Tigummisassanngorlugit inissinneqarsimasut inissinneqarnerannut tunngatillugu Kalaallit Nunaanni Eqqartuussiveqarneq pillugu Ataatsimiititaliarsuup kaammattuutaasa atuutsilerneqarnissaasa inatsisitigut tunngavissinneqarnissaat inatsisissatut siunnersuummik siunertaavoq.

Taamaalilluni inatsisissatut siunnersuut inuit Danmarkimi tigummisassanngorlugit pineqaatissinneqarsimasut nuutsinneqarsimasulluunniit Nuummi inissiisarfimmut nutaamut nuutsinneqarsinnaanerannut tunngavissiivoq. Tassunga atatillugu nuutsitsinerup aatsaat pineqartup akuersineratigut pisinnaanissaanut siunniussisoqarpoq.

Tigummisassanngorlugit inissinneqarsimasut ullumikkut Herstedvesterimi inissinneqarsimasut affaasa missaat Nuummi inissiisarfimmut nutaamut nuutsinneqarnissamik kissaateqarnissaat Pinerluuteqarsimasunik Isumaginnittoqarfimmit naatsorsuutigineqarpoq.

Inatsisissatut siunnersuutip peqatigisaanik aalajangersagaq pinerluttulerinermi inatsit malillugu Danmarkimi pinerluuteqarsimasunik isumaginnittoqarfiup ataani inissiisarfimmut tarnip pissusaanik ilisimasalinnit aquneqartumut inissinneqarnissamut pineqaatissiinissamik, tigummisassanngorlugilluunniit pineqaatissinneqarsimasunik nuutsitsinissamik periarfissiisoq atorunnaarsippaa. Taamatuttaaq inatsisissatut siunnersuutip Kalaallit Nunaanni eqqartuussisarnermik inatsimmi aalajangersakkat tigummigallagassanngortinneqarsimasunik Danmarkimi Pinerluuteqarsimasunik Isumaginnittoqarfiup ataani inissiisarfimmi tarnit nakorsaannit aquneqartumi inissiisoqarsinnaaneramik periarfissiisut atorunnaarsippai.

Inatsisissatut siunnersuut aamma tigummisassanngorlugit pineqaatissinneqarsimasunik Kalaallit Nunaanni inissiisarfimmi immikkoortumi ammasumi inissinneqarsimasunik Nuummi inissiisarfissami immikkoortumut matoqqasumut nuutsitsisinnaanermut

tungavissiivoq, taamatuttaaq immikkoortumit tassanngaaniit Kalaallit Nunaanni inissiisarfimmi immikkoortumut ammasumut nuutsitsisinnaanermut.

3. Inatsisinut Ataatsimiititaliap isumaliusersuutai

Inatsisinut Ataatsimiititaliap maliginiarpaa Inuit Pisinnaatitaaffiinut Ilisimatusarfiup (Institut for Menneskerettigheder) tusarniaanermut akissummini kaammattuutigigaa, tigummineqartussatut eqqartuussaasimasup Herstedvesterimi inissinneqarsimasup Nuummi inissiisarfimmut nutaamut nuutsinneqarnissaminik toqqaasimasup aalajangernini peqqissimissutigiguniuk Herstedvesterimut uteqqinnissaminut periarfissinneqassasoq. Inatsisissatut siunnersuut tamatuma periarfissaanginnissaanik piumasaqaatitalerlugu suliarineqarsimavoq.

Inatsisinut Ataatsimiititaliap Inuit Pisinnaatitaaffiinut Ilisimatusarfiup kaammattuutaanut tapersiivoq.

Inatsisinut Ataatsimiititaliap aamma maluginiarpaa Inuit Pisinnaatitaaffiinut Ilisimatusarfiup tusarniaanermut akissummini Justitsministeriaqarfimmut kaammattuutigisimagaa tigummissassanngorlugit eqqartuussaasimasut Herstedvesterimiiginnarnissamik toqqaasut Pinerluuteqarsimasunik Isumaginnittoqarfimmit siunissamissaaq immikkut isumassorneqarnissaat qularnaaqqullugu. Justitsministeriaqarfiup tusarniaanermut akissummut oqaaseqaataani erserpoq – Nuummi inissiisarfissaq ammarpat - minnerpaamik ukiut marluk ikaarsaariarfiussasut, piffissamilu tassani tigummineqartussatut eqqartuussaasimasunut Herstedvesterimiiginnarumallutik aalajangertunut neqeroorutit immikkut ittut, tikeraarsinnaatitaanertut imaluunniit qanigisaasunit pulaarneqarnertut iluseqartut, attatiinnarneqassasut (Kalaallit Nunaannut ingiallorneqarluni angalaneq). Immikkulli neqeroorutit allat, soorlu kalaaliminernik nerisaqartitaanermut, kalaallisut ilinniartitaanermut, erinarsoqatigiinnermut, kalaallisut naalagiartarnermut, perorsaasumik ikiorteqarnissamut il.il. neqeroorutit Nuummi inissiisarfik ammarpat atorunnaarsinneqassapput.

Inatsisinut Ataatsimiititaliap Inuit Pisinnaatitaaffiinut Ilisimatusarfiup kaammattuutaanut tapersiivoq.

4. Naggataarutaasumik oqaaseqaatit

Kalaallit Nunaanni (ilaatigut) killiligaanngitsumik tigummissassanngorlugit pineqaatissinneqarsimasunut inissiisarfimmik matoqqasumik pilersitsiniarnermut aqqu takisimaqaaq. 1996-imili suleqatigiissitap danskit naalakkersuisuinit Namminersornerullutillu Oqartussanit pilersinneqarsimasup atorfilittanik inuttalikkap ilassutit

isumaliutissiisuminni³ kaammattuutigaa Kalaallit Nunaanni inissiisarfimmik matoqqasumik sanaartornissamut ingerlatsinissamullu aningaasaqarnikkut piviusunngortitsinissamullu tunngavissat piaarnerpaamik nassaarineqassasut.

Maannakkut – ukiut 30-it qaangiutereerneranni – inissiisarfik sanaartorneqarpoq, inatsisinullu allannguutissat pisariaqartinneqartut Inatsisartunut oqaaseqarfigisassanngorlugit saqqummiunneqalersimapput.

Inissiisarfissaq matoqqasoq ukiut amerlasuut matuma siornatigulli pilersinneqarsimagaluarpat Inatsisinut Ataatsimiititaliamit iluarineqarnerusimassagaluarpoq. Ataatsimiititaliap paasilluarsinnaavaa piumasaqaataasut arlallit timitalerneqaqqaartariaqarsimasut. Piumasaqaataasut ilaat ukiuni arlalinngortuni timitalerneqarsimalereerput, allallu – minnerunngitsumik aningaasaqarnikkut piumasaqaataasut – pisariaqartitsineq naapertorlugu piumassuseqarnikkut siusinnerusukkulli timitalerneqarsimasinnaagaluarput. Tigummisassanngorlugit pineqaatissinneqarsimasut ilaannut tunngatillugu tigummisassanngorlugit pineqaatissinneqarsimasunik Herstedvesterimut inissiisarneq Europamiut Inuit Pisinnaatitaaffii pillugit Isumaqtigiissutaanni artikel 3-mik (ilaatigut) inuppalaanngitsumik pillaasarnermut tunngassutilimmik, kiisalu artikel 8-mik ilaqutariittut inuuneqarsinnaatitaanermut tunngassutilimmik unioqqutsitsinerusinnaavoq. Unioqqutitsineq taamaattoq akuersarneqarsinnaanngilaq. Inissiisarfimmik matoqqasumik pilersitsiniarnitsinnik aatsaat maannakkut timitaliilernerput ajuusaarnarlunnarpoq alianarlunnarlunilu, tamanna tigummisassanngorlugit pineqaatissinneqarsimasut Herstedvesterimut inissinneqarsimasut kisiisaanngitsoq aammattaarli taakku ilaquataat eqqarsaatigalugit – ilami inuiaat tamarmiulluta eqqorneqaatigisimavarput.

Taamaammat piffissap sivisuup ingerlareernerani kiisami tassunga killissimanerput Inatsisinut Ataatsimiititaliamit nuannaarutigineqarpoq. Sulili arlalinnik unammilligassaqarpugut, minnerunngitsumik inissinneqarsimasut suliaqarsinnaanermik katsorsarneqarsinnaanermillu isumannaarunnarlugit, ilaatigullu inissiisarfimmi sulisussanik pisariaqartinneqartunik atorfinitsitsinissaq ilinniartitseqqinnissarlu eqqarsaatigalugit.

Inatsisinut Ataatsimiititaliap tassunga atatillugu maluginiarpaa Pinerluuteqarsimasunik Isumaginnittoqarfiup Qullersaqarfia imatut paasissutissiisimasoq:

³ Kalaallit Nunaanni pinerluttulerinermi ingerlatsineq pillugu ilassutitut isumaliutissiisut; ”Betænkning vedrørende kriminalpolitiske spørgsmål i Grønland” – aamma ”isumaliutissiisut sungaartumik” taaneqartartoq (”Den Gule Betænkning”).

- Nuummi inissiisarfissami suliassaqaarnikkut, sunngiffimmi sammisassaqaartitsinikkut, katsorsaanikkut il.il. periarfissanik siamasissunik sapinngisaaq naapertorlugu annertussusilinnik pilersitsinissaaq anguniarneqartoq.
- Pinerluuteqaarsimasunik Isumaginnittoqarfiup qullersaqarfia inissiisarfissami qanoq iliorluni torersumik attuumassuteqartumillu suliassaqaartitsinnaanermik pilersitsisoqaarsinnaanera paasinarlugu maannangaaq sulissuteqartoq.
- Kalaallit Nunaanni Pinerluuteqaarsimasunik Isumaginnittoqarfik aamma inissiisarfimmi tarnip pissusaanik ilisimasalinnik tarnillu nakorsaqaarnikkut ikiorsiisussanik, nuutsitsinermi Herstedvesterimi parnaarussivimmiit ikiorneqarlutik, killiligaanngitsumik inissinneqaarsimasut immikkoortortaqaarfianni tarnip pissusaanik ilisimasalinnik tarnillu nakorsaannik katsorsaanernik isumaginnissinnaasunik atorfinitsitsinissamik sulissuteqartoq.
- Nuummi inissiisarfimmi paarsisut naapertuuttumik ilinniarteqqinneqarnissaat pilersaarusiorneqartoq. Ilinniarnep ilaa tassaasinnaavoq Nuummi sulisut aqutsisuusut Herstedvesterip Parnaarussiviani ilinniaqqinnerat aamma/imaluunniit Herstedvesterillu Parnaarussiviani sulisut Nuummi inissiisarfimmi suligallarsinnaanerat.

Inatsisinut Ataatsimiititaliap suliap taassuma ingerlateqqinneqarnera soqutigalugu malinnaaffigissavaa.

5. Inatsisinut Ataatsimiititaliap inassuteqaataa

Ataatsimiititaliap isumaqatigiittup allannguutissatut siunnersuut imaattoq saqqummiuppaa.

Namminersorlutik Oqartussat Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaannik inatsisissatut siunnersuummut missingiummut tapersiinissaat pillugu Inatsisartut aalajangiiffigisassaattut siunnersuut (Killiligaanngitsumik eqqartuussat allallu inissinneqartarnerat), tassanili Namminersorlutik Oqartussat naalagaaffimmi oqartussanut piumasarlugu

- 1) **Killiligaanngitsumik inissinneqartussanngorlugit pineqaatissinneqaarsimasut Herstedvesterimit Nuummumut nuutsinneqarnissamik toqqaasimasut aalajangersimanerminnik peqqissimissuteqarunik Herstedvesterimut uterteqqinneqaarsinnaassat, kiisalu**
- 2) **Killiligaanngitsumik inissinneqartussanngorlugit pineqaatissinneqaarsimasunut**

Herstedvesterimiiginnarumallutik toqqaasimasunut immikkut neqeroorutit ullumikkut atuuttut atuutiinnassasut, tassani ilaatigut kalaallisut ilinniartitaanermut, kalaaliminernik nerisaqartitaanermut, Kalaallit Nunaannut ingiallorneqarluni angalanermut imaluunniit qanigisaasunit pulaarneqartarnermut neqeroorutit.

Inatsisinut Ataatsimiititaliap taamatut oqaaseqaateqarluni siunnersuut aappassaaniigassanngortippaa.



Debora Kleist
Siulittaasuugallartoq
Inuit Ataqatigiit


Iddimangiiu Bianco
Inuit Ataqatigiit



Pitsi Høegh
Siumut



Laura Táunâjik
Siumut



Per Rosing-Petersen
Partii Naleraq

Dato: 16. august 2017
Kontor: Nordatlantenheden
Sagsbeh: KLU
Sagsnr.: 2016-490-0026
Dok.: 2392371

MISSILIUUT

**Kalaallit Nunaanni pinerluttulerinermik inatsisip
aamma Kalaallit Nunaanni eqqartuussiveqarneq pillugu inatsisip
allanngortinneqarnissaat pillugu inatsisissatut
siunnersuut
(Inissiisarfinnut inissinneqartussatut il.il. eqqartuunneqartut)**

§ 1

Kalaallit Nunaanni eqqartuussisarneq pillugu inatsimmi, tak.
inatsimmik nalunaarut nr. 1581 decembarip 13-ainni 2016-imeersoq,
inatsisikkut nr.

149 februaarip 7-anni 2017-imeersumi § 1-ikkut allannguuteqartinne-
qartumi, allannguutit makku ivertinneqassapput:

1. § 370, *imm. 1*-imi piissaaq »imaluunniit Danmarkimi
pinerluuteqarsimasunik nakkutilliiviup ataani tarnit
nakor-saannik aqunneqartumik inissiisarfinnut
inissinneqassal-lutik § 371 malillugu.«

2. §§ 371 aamma 372 *atuukkunnaassapput.*

Slotsholmsgade 10 1216
København K.

T +45 7226 8400
F +45 3393 3510

www.justitsministeriet.dk jm@jm.dk

§ 2

Kalaallit Nunaanni pinerluttulerinermik inatsimmi, inatsit nr. 306 apriliip 30-anni 2008-meersumi, inatsimmi nr. 735 juunip 25-anni 2014-imeersumi § 1-ikkut, inatsimmi nr. 103 februaarip 3-anni 2016-imeersumi § 4-kkut aamma inatsimmi nr. 149 februaarip 7-anni 2017-imeersumi aamma § 2-kkut allanngortinneqartumi allannguutit makku ivertinneqassapput:

1. § 148, *imm.* 2-mi » § 161, *imm.* 1« imatut allanngussaaq: » § 161«.

2. § 148, *imm.* 3 atorunnaassaaq.

Imm. 4 tamatuma kingorna *imm.* 3-nngussaaq.

3. § 161, *imm.* 2-5, atorunnaassaapput.

4. § 241-mi *imm.* 3-p kingornatigut nutaatut ivertinneqassapput:

»*Imm.* 4. Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat, immikkoortumi ammasumi inissitaq, § 161 malillugu nakkutigineqartussatut eqqartuunneqarsimasoq, nakkutigisassatut immikkoortortamut nuutsinneqassasoq, immikkoortortami ammasumi inissinneqarsimanera naammattumik isumannaatsuunngitsoq paasineqarpat.

Imm. 5. Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat nakkutigisanut immikkoortortami inissinneqarsimasoq immikkoortortamut ammasumut nuutsinneqassasoq, nakkutigisat immikkoortortaannut nuutsinneqassasoq tamanna isumannaatsuunissakkut mianerisassanut siunniunneqarsinnaasutut ataqatigiilersinneqarsinnaasutullu isigineqarpat. Kingorna tassani inissitaq immikkoortumi ammasumiitsinnissaa piukkunnanngitsutut paasineqarpat imaluunniit taamatut inissiineq naammattumik isumannaatsuutinneqarsinnaanngitsoq paasineqarpat, Kalaallit Nunaanni Pinerluuteqarsimasunik Nakkutilliisoqarfimmi Aqutsisut aalajangersinnaavaat tassani inissitaq nakkutigisassat immikkoortortaannut nuutsinneqassasoq.«

Imm. 4 kingorna *imm.* 6-nngussaaq.

§ 3

Justitsministerip inatsisip atuutilernissaanik piffissaliinissaq aalajangersassavaa.

§ 4

Imm. 1. Justitsministerip, ministerilluunniit tamaaliornissamik piginnaatitaata, aalajangersinnaavaa, inuit pinerluttulerinermik inatsisimmi § 148, imm. 3, imal. § 161, imm. 2-4-ni malittarisassaagallartut malillugit Danmarkimi pinerluuteqarsimasunik nakkutilliivimmuut immikkoortortami inissitassatut eqqartuunneqarsimasut nuutsinneqarsimasulluunniit Kalaallit Nunaanni Pinerluuteqarsimasunik Nakkutilliivimmi immikkoortortamut nakkutilliiviusumut nuutsinneqarsinnaavoq, tamanna nalilerneqarsinnaappat siunertamut naleqquttoq aamma isumannaallisassaanermut naapertuuttoq. Nuutsitsineq taamaallaat pisinnaavoq pineqartup akuersineratigut.

Imm. 2. Justitsministerip, ministerilluunniit tamaaliornissamik piginnaatitaata, aalajangersinnaavaa, inuit pinerluttulerinermik inatsisimmi § 148, imm. 3, imal. § 161, imm. 2-4-ni malittarisagallartut malillugit Danmarkimi pinerluuteqarsimasunik nakkutilliivimmuut immikkoortortami inissitassatut eqqartuunneqarsimasut nuutsinneqarsimasulluunniit Kalaallit Nunaanni Pinerluuteqarsimasunik Nakkutilliivimmi immikkoortortamut nakkutilliiviusumut nuutsinneqarsinnaapput, tamanna nalilerneqarsinnaappat siunertamut naleqquttoq aamma isumannaallisassaanermut naapertuuttoq. Inissinneqarsimasoq taanna kingornatigut ammasumiinnissaminut tulluanngitsoq paasineqarpat, ammasumi inissinneqarsimanerluunniit naammaginantumik isumannaatsuunngitsutut isigineqarpat, Justitsministeriep, ministerilluunniit tamaaliornissamik piginnaatitaata, aalajangersinnaavaa, inissinneqarsimasoq taanna immikkoortortamut nakkutilliiviusumut Kalaallit Nunaanni Pinerluuteqarsimasunik Nakkutilliivimmuut utertinneqassasoq.

Imm. 3. Eqqartuussiviup aalajangersinnaavaa, inuit pinerluttulerinermik inatsimmi § 161, imm. 1 naapertorlugu eqqartuunneqarsimasut, aamma Kalaallit Nunaanni Pinerluuteqarsimasunik Nakkutilliivimmi immikkoortortami ammasumi inissinneqarsimasut, Kalaallit Nunaanni Pinerluuteqarsimasunik Nakkutilliivimmi immikkoortortamut nakkutilliivimmuut inissinneqassasoq, immikkoortortami ammasumi inissinneqarsimaneq naammaginantumik isumannaatsuunngitsutut isigineqarpat.

Imm. 4. Justitsministeri imm. 1 aamma 2
malillugit inissinernut malittarisassanik aalaja-
ngersaasinnaavoq.

Inatsisissatut siunnersuummut oqaaseqarfiginnissutit

Oqaaseqarfiginnissutit tamanut atuuttut

Imarisai

Imarisai

1. Aallaqqaasiut

2. Inatsit atuuttoq

2.1 Tigummisaanissamuteqqartuunneqartunik inissiisarneq il.il

2.2. Tigummisassanngorlugit eqqartuussat Danmarkimiit Kalaallit Nunaannut nuutsinnissaat

2.3. Tigummisassanngorlugit eqqartuussat Kalaallit Nunaanni nunami namminermit nuutsissinnaanissaat

3. Justitsministereqarfiup isumaliutersuutai aamma aaqqissuussinissatut siunnersuutigineqartoq

3.1. Allannguutissatut siunnersuutitut takussutissat

3.1.1. Eqqartuussisarneq pillugu inatsimmi nakkutigisat Danmarkimi inissinneqartarnerinut malittarisassat atorunnaarsinneri

3.1.2. Inunnik inatsisip atuutilerneratigut tigummisassanngorlugit eqqartuunneqartunik nuutsitsineq

3.1.3. Inunnik inatsisip atuutilereerneratigut tigummisassanngorlugit eqqartuussaasunik nuutsitsisarnissaq

3.2. Nakkutigisassatut eqqartuunneqartut tigummineqartullu Danmarkimut inissinneqartarnerannik aalajangersakkap atorunnaarsinnissaa

3.3. Inunnik inatsisip atuutilerneratigut tigummisassatut eqqartuunneqartunik nuutsitsineq

3.3.1. Kalaallit Nunaanni tigummisassatut eqqartuussanik immikkoortortami ammasumiit tigummisassanut immikkoortortamut nuutsitsinissamut periarfissiisummik atulersitsineq

3.3.2. Kalaallit Nunaanni tigummisassatut eqqartuussat tigummisassanut immikkoortortamit immikkoortortamut ammasumut nuutsitaasinnaanissamut periarfissiissutinik ivertitsinissaq

3.4. Inunnik inatsisip atuutilerera sioqqullugu tigummisassatut eqqartuunneqarsimasunik nuutsitsineq

3.4.1. Tigummissassatut eqqartuunneqarsimasunik
Danmarkimi pinerluuteqarsimasunik
nakkutilliisoqarfiup ataani inissiisarfimmi tarnit
nakorsaannik aqunnerqartumiit Kalaallit Nunaanni
tigummissassanut immikkoortortamut nuutsitsinissamut
periarfissiissummik ivertitsinissaq

3.4.2. Danmarkimi pinerluuteqarsimasunik
nakkutilliiviup ataani inissiisarfimmut tarnit
nakorsaannik aqunneqartumut tigummissassanngorlugit
eqqartuunneqarsimasut Kalaallit Nunaanni
immikkoortortamut ammasumut nuutsitsisin-
naanissaannut periarfissiissutissamik ivertitsinissaq

3.5. Tigummissassatut eqqartuunneqarsimasut Nuummi inissiisarfit-
taassami inissinneqarnissaat

4. Pisortanut Aningaasaqarnikkut pisortatigullu ingerlatsinermi kinguneqaatissat
5. Inuussutissarsiornermut aningaasaqarnikkut pisortatigullu ingerlatsinermut kinguneqaatissat il.il.
6. Innuttaasunut pisortatigut ingerlatsinermut kinguneqaatissat
7. Avatangiisinut kinguneqaatissat
8. EU-mi inatsisiliornissamut pissuseq
9. Oqartussaasut il.il. tusarniaaviusut il.il.
10. Eqiterlugu takussutissiissut

1. Aallaqqaasiut

1950-ikkuniilli inuit pinerluttulerinermik inatsit malillugu nakkutigineqarnissamut eqqartuunneqartartut nalilerneqartartullu isumannaatsuinissamut aarlerinartuusut, Danmarkimi inissinneqartarput, ilaatigut pissutigalugu Kalaallit Nunaanni inissiisarfiit naammaginatsumik katsorsaannissamut neqerooruteqarsinnaanngimmata inunnullu immikkut navialisitsisinnaasunut isumannaatsumik atortulersugaanngimmata.

Kalaallit Nunaanni Eqqartuussisarneq pillugu isumalioqatigiissitat 2004-mi innersuussutigaat Kalaallit Nunaanni nakkutilliinermut immikkoortortamik pilersitsisoqarnissaa tarnikkut nakorsaannermik tarnikkullu ilisimasalinnik pisariaqarnera malillugu ikiuisinnanermik sullissinnaasumik, immikkoortortaq taanna siunissami inissiiviusinnaasunngorlugit nakkutigisassatut eqqartuunneqarsimasunut, allatigut Danmarkimi inissinneqarsimasinnaagaluartunut (tak. Isumalioqatigiissitat Kalaallit Nunaanni eqqartuussiveqarneq pillugu isumalioqatigiissitat isumaliutissiissutaat nr. 1442/2004, quppersagaq 3, qupp. 1014).

Eqqartuunneqartut Danmarkimut inissinneqartarnerisa unitsinneqarnissaannik kissaat aallaaveqarpoq eqqartuussanut isiginninnermik, tassunga atatillugu nunaminni inissiiisarfinnut inissinneqartarnissaat eqqarsaatigalugu najugaqarfitik ilaqtatillu qanillillugit.

Ilaatigut tamanna tunngavigalugu Nuummi inissiiisarfissaq nutaaq maanna sananeqarpoq. Inissiiisarfissaq 2019-imi naammassisassatut naatsorsuutigineqartoq, tamanut ammasumik immikkoortortap saniatigut, ilaatigut nakkutigisassanut inissiiiviusinnaasussamik immikkoortortaqsaaq.

Inatsisissatut siunnersuut tamanna tunngavigalugu ilaatigut siunertaqarpoq piginnaatitsinissamik, inuit pinerluttulerinermik inatsit malillugu Danmarkimi nakkutigisassatut eqqartuunneqarsimasut imaluunniit nuut-sinneqarsimasut, Nuummi inissiiisarfittaami inissinneqarsinnaanissaannik. Tassunga atatillugu siunniunneqarpoq nuutsitsineq pisinnaasoq aatsaat pineqartup akuersineratigut.

Inatsisissatut siunnersuut siunertaqarportaaq pinerluttulerinermik inatsimmi aalajangersakkap nakkutigisassanngorlugit eqqartuussisarneq nuutsitanilluunnit Danmarkimi pinerluuteqarsimasunik nakkutilliivimmuut tarnit nakorsaannit siulersorneqartumut inissiiisarnerit unitsinniarlugit. Taamattaq inatsisissatut siunnersuummi siunertarineqarpoq Kalaallit Nunaanni eqqartuussisarneq pillugu inatsimmi aalajangersakkat tigummisassatut Danmarkimi pinerluuteqarsimasunik nakkutilliiviup ataani inissiiisarfimmuut tarnit nakorsaannik siulersorneqartumut inissinneqartarnerat atorunnaarsissallugu.

Inatsisissatut siunnersuut aammattaq siunertaqarpoq piginnaatitsinissamik nakkutigisassatut eqqartuunneqartunik nuutsitaasartut Kalaallit Nunaanni tarnit nakorsaannut immikkoortortami ammasumi inissinneqarsimasut, Nuummi nakkutilliinermik immikkoortortartaassamut nuussisinnaalernissaq immikkoortortamilu Kalaallit Nunaanni katsorsaavittut immikkoortortamut ammasumut nuussisinnaalernissaq.

2. Inatsit atuuttoq

2.1. Tigummisaanissamut eqqartunneqartunik inissiiisarneq il.il.

Pinerluttulerinermik inatsimmi § 161 maannamut ilusiligaalerpoq inatsisikkut nr. 306 apriliip 30.-anni 2008-mi, tunngaveqartoq Kalaallit Nunaanni Eqqartuussisarneq pillugu Isumalioqatigiissitat isumaliutissiis-sutaata eqqaaneqareersup imm. 1-ianni.

Aalajangersakkamik imm. 1 imaqarpoq piumasagaatinik erseqqinnerusunik piffissami killiligaanngitsumi tigungminninnerup atortinnis-saanut, tamatumani ilimagineqarsinnaavoq tamanna pineqartoq inunnik allanik inuuneratigut, timaatigut peqqissusaatigullu imalunniit kiffanngissuseqarnerannik navialisitsisinnaanermik saqqummersitsisin-naasoq, aamma tigungminnissinnaanermik atuineq navialisitsisinnaaneq ingalassimaniarlugu pisariaqartuusoq.

Aalajangersakkap imm. 2.-ani ersippoq pinerluttuq tigungmisaanissamut eqqartuunneqarsimasoq imm.1 malillugu eqqartunneqartoq Danmarkimi pinerluuteqarsimasunik nakkutilliisoqarfimmit tarnit nakorsaannit aqun-neqartumut piffissami killiligaanngitsumi inissitasanngorlugu eqqartuun-neqarsinnaasoq, pineqartoq tarnikkut immikkut pissuseqarnini pissu-tigalugu isigineqarsinnaammat Kalaallit Nunaanni inissiisarfirmut inissitassatut, imalunniit taamatut inissiisinnaaneq naammaginartumik isumannaatsuunngippat. Danmarkimi inissiisoqarajuttarpoqpoq Hersted-vesterimi Parnaarussivimmut (Siornatigut Herstedvesterimi Inissiisarfik).

Aalajangersakkami imm. 3-mi periarfissaqarpoq pisortatigut ingerlat-sinikkut tigungmisassanngorlugit eqqartuussaasimasut Danmarkimiit Kalaallit Nunaanni inissitaassasut nuutsitsinissamut imaluunniit utertitsinissamut, erseqqinnerusumik tak. ataani imm. 2.2.

Aalajangersakkami imm. 4 malillugu eqqartuussiviup aalajangersin-naavaa, pinerluttsoq tigungmineqartoq Danmarkimi inissitaanissamut (siullermeerani eqqartuunneqartoq) Danmarkimut nuutsinneqassasoq, Kalaallit Nunaanni inissiisarfirmut inissiineq naammaginartumik isumannaatsuunngitsutut nalilerneqarpat, erseqqinnerusumik tak. ataani imm. 2.3.

§ 161-imi. Imm. 2-mit 4-mi aalajangersakkat, Danmarkimi inissii-sarnermut aamma Danmarkip Kalaallit Nunaatalu akornanni nuutsitsisarnermut tunuliaqutaavoq Kalaallit Nunaanni inissiisarnermi aaqqissuineq naammattumik isumannaallisagaanngimmat inissitat immikkut navialiisinnaassusillit inissisimatissallugit.

Imm. 5-imi isumalioqatigiissitat inatsisissatut missiliuutaat tunngavigalugu ivertinneqarsimasukkut justitsministeri piginnaatinneqarpoq imm. 2-mit 4-mut atuukkunnaarsissallugit (aamma § 148, imm. 3, tamatumani aamma Danmarkimut inissiisoqarsinnaasoq, erseqqinnerusumik tak. ataaniittut), Nuummi inissiisarfittaassaq piareersimalerpat, aamma tamaalilluni pisariaarutissasoq tigummissassanngorlugit eqqartuussat Danmarkiliartittassallugit. Pisariaqarpoq aalajangersakkamut piareersaataasumik nammassiniagassat (inatsisissatut siunnersuummik nr. L 35 decembarip 12.-anni 2007-imeersumi § 161-imiittut oqaaseqarfiginnissutit, tak. Folketingstidende 2007-2008, tapiliusaaq A, qupp. 1678), § 161-imi imm. 2-mit 4-mut, aamma § 148-mi imm. 3 Kalaallit Nunaanni tigumminnittarffittut immikkoortorta q pilersinneqarsimalerpat atuukkunnaassasut.

Pinerluttulerinermik inatsimmi § 148 imm. 2 malillugu eqqartuussiviup aalajangersinnaavaa pinerluttoq inissiisarfimmut inissitassatut eqqartuunneqartoq, tigummissassatut nuutsinneqassasoq, pineqartoq § 161, imm. 1-imut pineqartussatut isigineqarpat. § 148, imm. 3-mi ersippoq eqqartuussiviup aalajangersinnaagaa pinerluttoq inissiisarfimmut inissitassatut eqqartuussaaq Danmarkimut nuutsinneqassasoq, § 161-mi imm. 2, tak. imm. 1 malillugu pineqartussatut isigineqarpat. § 148-mut piareersaataasumik naammassiniagassat naapertorlugit (§ 148-mut oqaaseqarfiginnissutit inatsisissatut siunnersuummi nr. L 35 decembarip 12.-anni 2007, tak. Folketingstidende 2007-2008, tapiliusaaq A, qupp. 1674-1675), imm. 2-mi aalajangersagaq siunertaqartoq Kalaallit Nunaanni tigummissassanngortitanik immikkoortumut siunnersuutaasumut nuutsitsinissaq, immikkoortortallu taama ittup pilersinneqannginnerani aalajangersakkami imm. 3 malillugu Danmarkimut inissinneqartassasoq.

Pinerluttulerinermik inatsimmi § 241 imaqarpoq tigummissassanngorlugit eqqartuussissutit naammassinissaanik, aalajangersakkami takuneqarsinnaavoq eqqartuussissutit taama ittut naammassineqartassasut inissiisarfimmut inissiinermik eqqartuussissutit naammassinissaannik aalajangersakkat tamanut atuuttut malillugit, tak. imm. 1 kisianni tigumminninneq pissutsit atuuttut malillugit naammassineqartassasoq tigumminninnsamut immikkoortortami, tak. imm. 2.

Aammattaaq Kalaallit Nunaanni eqqartuussisarneq pillugu inatsimmi § 70 malillugu, tigummineqartut inissinneqassasut inissiivittut unnuisitsisarfimmi imaluunniit inissiisarfimmi, imaassimangippat eqqartuus-

sivik § 361 aalajangersimasoq pissusissanik sukangannginnerusunik imaluunniit § 371 malillugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aqunneqartumut inissillugit. Taamatut iliornermi aallaaviuvoq tigummigallarneqartut inissiisarfimmut inissinneqartarnissaat, inissiivittut unnuisitsisarfiit tigumminnikkallarffittut atorineqartarunnaarmata.

Kalaallit Nunaanni eqqartuussisarneq pillugu inatsisip § 371-iani takusassaavoq eqqartuussivik aalajangersaasinnaasoq tigummineqartut Danmarkimi pinerluuteqarsimasunik nakkutilliiviup ataani inissiisarfimmi tarnit nakorsaannik siuttulimmik inissinneqassasoq. Imatut pisoqarsinnaavoq Danmarkimi inissiineq piumasaaqatit erseqqinnerusumik nalunaakkat malillugit, tassunga ilagitillugu ilimagineqarsinnaavoq tigummineqartoq tarnikkut innarluuteqarnini pillugu Kalaallit Nunaanni inissiisarfimmut inississallugu naleqqutinngitsoq, imaluunniit inissiisarfimmut inissiineq naam-mattumik isumaannaatsuusorineqanngitsoq. § 372-imi erseqqinnerusumik malittarisassaqqarpoq eqqartuussiviup inissiinissamik § 371 malillugu aalajangersinnaaneranut periaasissanik. § 372, imm. 3-mi justisministeri piginnaatinneqarpoq §§ 371 aamma 372 atuutsinnginnissaanut. Aalajangersakkamut piareersaataasuni piumasarineqarpoq (§ 372-imut oqaaseqarfiginnissutit inatsisissatut siunnersuut nr. L 34 decembarip 12.-anni 2007-imeersumi, tak. Folketingstidende 2007-08, tapiliussa A, qupp. 1466) §§ 371 aamma 372 atorunnaassasut Kalaallit Nunaanni nakkutilliivittut immikkoortorta q pilersinneqarpat.

2.2. Tigummisassanngorlugit eqqartuussat Danmarkimii Kalaallit Nunaannut nuutsinnissaat

Pinerluttulerinermik inatsit § 161-ip saniatigut ataasiakkaanik aalajangersagartaqqarpoq tigumminninnermut attuumassutilinnik, aalajangersakkalli taakkua Herstedvesterimi Parnaarussivimmit Nuummi tigumminninnissamut immikkoortortamut nuutsitsinissamik apeqqummut atasut avataanniipput.

Pinerluttulerinermik inatsimmi § 161, imm. 3, imm. 1 Kalaallit Nunaanni inissiisarfimmut nuutsitsisoqarsinnaasoq siunertamut naapertuuppat isumaatsuunissamillu isugimanninnermut tulluarpat, taamaalilluni periarfissaliissutaasinnaavoq Herstedvesterimi Parnaarussivimmut inissitat Nuummumut nuussinnaanissaannut, tigumminninnissamut immikkoortorta q pilersinneqareersimalerpat.

Pinerluttulerinermik inatsimmi § 161, imm. 3 – Kalaallit Nunaanni Eqqartuussisarneq pillugu Isumalioqatigiissitat tamatuminnga siunnersuutaat tunuliaqutaralugu – ivertinneqarpoq (taamani § 102, imm. 4-tut) pinerluttulerinermik inatsisip il.il. allannguutissaatut inatsisikkut nr. 476 juunip 12.-anni 1996-ikkut. Inatsimmik naammassiniaalluni piareersaatini ersippoq isumalioqatigiissitat siunnersuutigigaat aaqqissuussi-
nermik pilersitsisoqassasoq tamatumuuna Kalaallit Nunaanni inissiisar-
fimmur inissiigallarnermik pisortatut ingerlatsinikkut aalajangiisoqarsin-
naangorlugu kingorna iperagaasinnaanermik malitseqartussamik
(inatsisissatut siunnersuummut nr. L 265 maajip 2.-anni 1996-
imeersumut oqaaseqarfiginnissutini tamanut atuuttuni imm. 2.2, tak.
Folketingstidende 1995-1996, tapiliusseq A, qupp. 5203).

Aammattaaq aalajangersakkamut oqaaseqarfiginnissutitigut ersippoq
nuutsitsinermi piumasarineqartoq nuutsitsineq siunertamut naapertuu-
tissasoq isumannaatsuutitsinissamullu tulluurtuussalluni, nalunaarutigine-
qarpoq inissiigallartarnermik aaqqissuussineq aallaqqaammur atortinne-
qassasoq eqqartuussanut piffissap sivikitsup qaangiunnerani misiliummik
iperagaagallaarsinnaasunut (inatsisissatut siunnersuummi nr. L 265
maajip 2.-ani 1996-immersumi § 1, nr. 1 oqaaseqarfiginnissutit, tak.
Folketingstidende 1995-1996, tapiliusseq A, qupp. 5205).

§ 161, imm. 3, imm. 1 tamaalilluni aalajangersimasunik siunertaqarpoq
periarfissiissutigissallugu iperagaajartuaarnermut atatillugu Kalaallit
Nunaanni inissiisarfirmur ammasumut nuutsitsisinnaaneq taamalu
siunertarerpiarneqanngitsoq nuutsitsinermur allanut atuutsitsinissaq.

Taamaattumik ilimagineqarsinnaangilaq § 161, imm. 3, oqaaseqatigiit
siulliat atorsinnaassasoq nakkutigisassatut eqqartuussat Danmarkimiit
Nuummi nakkutiginninnermur immikkoortortassamut nuutsitsinermur
tunuliaqutit atussallugu.

2.3. Tigummisassanngorlugit eqqartuussat Kalaallit Nunaanni nunami namminermi nuutsissinnaanissaat

Kalaallit Nunaanni tigummisassanut immikkoortorta q pilersinneqarsima-
lerpat imm. 2.1-imi allanneqarsimasutut piumasarineqarpoq § 161, imm.
5, ilaatigut § 161, imm. 3, imm. 1-imi (Danmarkimiit Kalaallit
Nunaannut nuussineq) aamma imm. 4-mi, oqaaseqatigiit siulliat
(Kalaallit Nunaanniit Danmarkimut nuutsitsineq) atorunnaassasut.

§ 161, imm. 4-mi aalajangersagaq aallaqqaammut ivertinneqarpoq (taamani § 104, imm. 2, imm. 2-tut) pinerluttulerinermik inatsimmi inatsisikkut nr. 292 juunip 8.-anni 1978-immersukkut.

§ 104, imm. 2, imm. 2 eqqartuussivik aalajangiisinnaavoq napparsimavimmuut nuutsitsinissamik, pisariaqassappat Danmarkimi, imalunniit Danmarkimi pinerluuteqarsimasunik nakkutilliiviup ataani inissiisarfimmuut tarnit nakorsaannik pisortalimmuut piffissami killiligaanngitsumi, aamma Kalaallit Nunaanni inissiisarfimmuut inissiisinnaaneq naammattumik isumannaatsuusorineqanngippat. § 104, imm. 2 ilusilerneqarpoq Folketingip inatsisissamik oqaluuserinninnerani.

Inatsisissatut siunnersuummut Isumaliuutissiissut malillugu (Folketingstidende 1977-78, tapiliusseq B, spa. 1077-78) § 104, imm. 2-mi aalajangersakkami siunertarineqarpoq eqqartuunneqarsimasunik nuutsitsisinnaanermik periarfissiinissaq imaatsillugu nuutsitsineq isigineqartoq pisariaqartutut, pissutigalugu eqqartuussaasimasoq Kalaallit Nunaanni eqqartuussisarnerup killingisa iluanni suliaqarfigineqarsinnaanngimmat.

§ 161, imm. 4 -mi aalajangersagaq maanna ilusimisut ilusilerneqarpoq inatsit nr. 306 apriliip 30-anni 2008-kkut. Aalajangersakkamut naammassiniaalluni piareersaatini ersippoq § 104, imm. 2, imm. 2-mut maannamut atuuttumut assingusoq (inatsisissatut siunnersuut nr. L 35 decembarip 12.-anni, 2007-imi § 161, imm. 4-mut oqaaseqarfiginnissutit, tak. Folketingstidende 2007-2008, tapiliusseq A, qupp. 1678)

Nuummi inissiisarfissap nutaap sananeqarneratigut § 161, imm. 3 aamma 4-p atuukkunnaarnissaannik siunnersuuteqarnerup kinguneranik apeqqutinngorpoq periarfissiissuteqartoqassanersoq tigummisassanngorlugit eqqartuussat Kalaallit Nunaanni inissiisarfinnut Nuummi tigummisassatut immikkoortortassamut nuutsissinnaassallugit. Peqatigitillugu apeqqutinngorpoq periarfissiissuteqartoqassanersoq tigummisassanngorlugit eqqartuussat tigummisassatut immikkoortortamiit immikkoortortamut ammasumut nuutsisinnaallugit.

Tamatumunnga tunngatillugu oqaatigisassaavoq pinerluttulerinermik inatsimmi § 241, imm. 1-ikkut takuneqarsinnaammat, kapitali 34 naapertorlugu (atuutinngiffiit erseqqinnerusumik nalunaakkat ilaat ilanngullugit) tigummisassanngortitsineq inissiisarfinnut inissiinermik eqqartuussissutit qularnaatsumik naammassineqartarnerat pillugu aalajangersakkat malillugit qularnaatsumik kapitali 43-mi aalajangersakkat

naapertorlugit naammassineqartarmata. Kapitali 43 § 194-imi aalajangersagartaqarpoq Kalaallit Nunaanni Pinerluuteqarsimasunik Nakkutilliiviup Pisortaa aalajangiisartoq ilaatigut suliffeqarfiit iluini nuutsitsisarnermik.

Pinerluttulerinermik inatsit taassumunnga tunngasumik §§ 198-imi aamma 199-imi pisortatigut ingerlatsinermi malittarisassartaqarpoq inissinneqarsimasunik Kalaallit Nunaanni suliffeqarfiit iluini nuutsitsisinnanermik.

§ 198, imm. 1 malillugu immikkoortortami ammasumi inissinneqarsimasoq immikkoortortamut matoqqasumut nuutsinneqarsinnaavoq, pineqartoq qimaasimaguni qimaariaraluarsimaguniluunniit, imalunniit nutaamik pinerluuteqarsimaguni. § 199, imm. 1 malillugu inissinneqarsimasoq immikkoortortami matoqqasumiittoq immikkoortortamut ammasumut nuutsinneqarsinnaavoq, immikkoortortami matoqqasumiinneq isumannaatsuunissamik pingaartitsineq pisariaqarsorinarunnaarpat, aamma sukangannginnerusumik inissiinissaq ilalernartuutinneqarpat.

§ 198-imik naammassinninnissamut piareersaatini takusassaavoq (inatsisissatut siunnersuummi L nr. 35 decembarimi 2007-mi § 198-imut oqaaseqarfiginnissutini, tak. Folketingstidende 2007-2008, tapiliussaq A, qupp. 1687) aalajangersakkap mm. 1-imiittup aalajangersarai inissinneqarsimasup unioqqutitsisannginnissamut immikkoortortassaalerumaartutut siunnersuutigineqartumut Nuummiittussamut piunasaqaatit. § 199-ip naammassinissaanut piareersaatini (inatsisissatut siunnersuut nr. L 35 decembarip 12.-anni 2007, tak. Folketingstidende 2007-2008, tapiliussaq A, qupp. 1678), takusassaavoq imm. 1-imi aalajangersakkap aqukkaa unioqqutitsisannginnissamut immikkoortortassaalerumaartutut siunnersuutigineqartumut Nummittussamut nuutsitsisarnissaq.

§ 198, imm. 1-imi, aamma § 199, imm. 1-imi aalajangersakkat taamaalillutik erseqqissumik anguniagarigaat unioqqutitsisannginnissamik immikkoortortassaalerumaartumut Nuummittussanut tassanngaanniillu pisortatigut ingerlatsinikkut nuutsitsisarnissaq.

Tamanna tunuliaqutaralugu ilimagineqarsinnaanngilaq § 198, imm. 1, aamma § 199, imm. 1 atorsinnaasut tigummissassanut immikkoortoqarfissamut matoqqasumut Nummittussamut nuutsitsinissamut periarfissiissutitut.

3. Justitsministereqarfiup isumaliutersuutai aamma aaqqissuussinisatut siunnersuutigineqartoq

3.1. Allanguutissatut siunnersuutitut takussutissat

Siunnersuutigineqarpoq tigummissassanngorlugit eqqartuussanik inissii-sarneq nuutsitsisarnerlu pillugit pinerluttulerinermik inatsisip aalajangersagaanik allanguissutissat arlallit ivertinneqassasut, tak. imm. 3.1.1.-3.1.3. ataani.

Aammattaaq siunnersuutigineqarpoq Kalaallit Nunaanni eqqartuussi-sarneq pillugu inatsimmi nakkutigisat inissinneqartarneri pillugit malittarisassat allanguiffigissallugit., tak. imm. 3.1.1. ataani.

3.1.1. Nakkutigisassatut tigummineqartussatullu eqqartuunneqartut Danmarkimut inissinneqartarneri pillugit aalajangersakkat atorunnaarnerat

Siunnersuutigineqarpoq tigummissassanngorlugit eqqartuunneqartut inissinneqartarnerannik aalajangersagaq atuukkunnaassasoq.

Imm. 2.1-mi allaatigineqartutuut naapertorpaa pinerluttulerinermik inatsisip §161-iani, imm.5, justitsminimisterip nalunaarutikkut atorunnaarsissinnaagai § 148, imm. 3, aamma § 161, imm. 2-mit 4-mut, nuutsitsinermut aamma Danmarkimi inissinneqarnissamik eqqartuussissutitut tunngasut. Taamatuttaaq Kalaallit Nunaanni eqqartuussisarneq pillugu inatsimmi § 372, imm. 3 malillugu malitsigaa justitsministerip nalunaarutikkut §§ 371 aamma 372 tigummineqartut Danmarkimut inississinnaanerit atorunnaarsissinnaagaa.

Inissiisarfissaq, ilaatigut tigummissassanngortitanut immikkoortortaqartussaqaq Nuummi maanna sananeqarmat, 2019-imilu naammassineqartussatut piariissasoq ilimagineqarluni, Justitsministerie pilersaarpoq pinerluttulerinermi inatsimmi § 148, imm. 3, aamma § 161, 2-mit 4-mut aammalu Kalaallit Nunaanni eqqartuussisarnermik inatsimmi § 371 aamma § 372 atorunnaarsinneqassasut, erseqqinnerusumik tak. ataani imm. 3.2.

3.1.2. Inunnik inatsisip atuutilerteratigut tigummissassanngorlugit eqqartuunneqartunik nuutsitsineq

Siunnersuutigineqarpoq inuit inatsisip atortuulersinneratigut tigummissassanngorlugit eqqartuunneqartut pillugit erseqqinnerusunik malittarisassat ivertinneqassasut Kalaallit Nunaanni nunami namminerimi nuutsitsineq pillugu.

Inatsit atuutilerpat inuit pinerluttulerinermik inatsit malillugu tigummissassatut eqqartuunneqartut inissinneqartassapput Kalaallit Nunaanni inissiisarfiup immikkoortortaani ammasumi (soorlu tamanna periarfissaareersoq) imalunniit Nuummi tigummissassanngortitanut immikkoortortartaassami, tamatumunnga erseqqinnerusumik tak. imm. 3.2-mi, ataani.

Soorlu imm. 2.3-mi allaatigineqareersoq ilimagineqarsinnaanngilaq pinerluttulerinermik inatsit periarfissiissasoq tigummissassatut eqqartuunneqartut Kalaallit Nunaanni inissiisarfimmi immikkoortortamit ammasumit tigummissassanngortitanut Nuummi immikkoortortartaassamut imalunniit illuanut nuutsitsinissamik.

Justitsministeriap tamanna tunngavigalugu siunnersuutigiumavaa, immikkut periarfissiissutissamik ivertitsisoqassasoq, Kalaallit Nunaanni Pinerluuteqarsimasunik nakkutilliiviup Pisortaa aalajangiisinnaassasoq tigummissassatut eqqartunneqarsimasoq immikkortortamit ammasumit nakkutigisanut immikkoortortamut nuutsinneqassasoq, tak. ataani 3.3.1, aamma Kalaallit Nunaanni Pinerluuteqarsimasunik Nakkutilliivimmi Aqutsisunut immikkut ittumik piginnaatitsissuteqartoqassasoq aalajangersinnaapput matoqqasumiit ammasumut nuunneqassasoq, tak. ataani 3.3.2.

3.1.3. Inunnik inatsisip atuutilereerneratigut tigummissassanngorlugit eqqartuussaasunik nuutsitsisarnissaq

Siunnersuutigineqarpoq erseqqinnerusunik malittarisassaliortoqassasoq inunnik inatsisip atuuttunngortitaannginnerani tigummissassanngorlugit eqqartuunneqarsimasunik nuutsitsisarnissaq pillugu. Taakkua tassaapput tigummissassanngorlugit eqqartuunneqarsimasut, Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannit siuttoqartumut inissinneqarsimasut, aamma tigummissassanngorlugit eqqartuunneqarsimasut Kalaallit Nunaanni inissiisarfiup immikkoortortaani ammasumi inissinneqarsimasut.

Imm. 2.2.-mi allaatigineqarpoq ilimagineqarsinnaanngitsoq pinerluttulerinermik inatsimmi periarfissiissuteqartoqartoq tigungmisassanngorlugit eqqartuunneqarsimasunik Danmarkimi pinerluuteqarsimasunik nakkutilliiviup ataani inissiisarfirmmut tarnit nakorsaannik siulersorneqartumik eqqartuunneqarsimasunik imalunniit nuutsinneqarsimasunik Nuummi tigungmisassanngorlugit immikkoortorta qarfiissamut nuutsitsisarnissamik. Justitsministeria tamanna tunngavigalugu tamatumunnga periarfissiisutissamik ivertitsivissaliiumavoq.

Nuummi inissiisarfittaassamut tigungmisassanngorlugit eqqartuunneqarsimasunik nuutsitsinissamut periarfissiisutissamik ivertitsinissaq peqquteqarpoq pinerlussimasut inissisimasassasut najukkaminnut qaninnerusumi, aamma allatigut piunasaqaatit pineqartut Nuummi inissiisarfittaassamut nuutsitaanissaq kissaatigigaat. Kisianni pinngitsoorneqarsinnaanngilaq inuit taakkua ilaasa arlallit kissaatigisinnaammassuk Herstedvesterimi Parnaarussivimmiiginnarnissaq Nuummut nuutsitaanisaminngarnit. Assersuutigalugu pineqarsinnaapput inuup ukiorpanni Danmarkimi inissiisarfirmmeerernermi kingorna Kalaallit Nunaannut attuumassutaarussimanera. Tamanna tunuliaqutaralugu naapertuuttutut isiginanngilaq inuit taakkua Danmarkimi ukiorpanni inissiisarfirmmiit-sitaareernermikkut kissaatiginngisaminnik Kalaallit Nunaannut utertinnissaat, aamma taamaattumik Justitsministeriap siunnersuutigaa inuit Herstedvesterimi Parnaarussivimmut inissitaareersimasut toqqaasinaatitaassasut Danmarkimiit Kalaallit Nunaannut nuutsitaanissaminnik kissaateqarnerlutik, tak. ataani imm. 3.4.1.

Peqatigitilluguttaaq siunnersuutigineqarpoq, periarfissiissuteqartoqasasooq, tigungmisassanngorlugit eqqartuunneqarsimasut nangittumik Herstedvesterimi Paarnaarussivimmiititaassinnaanissamik toqqaasimasut Kalaallit Nunaanni Pinerluuteqarsimasunik Nakkutilliiviup ataani immikkoortortamut ammasumut nuutsissinnaanissaat, siunertamut naapertuuttuusorinarpat aamma isumannaatsuutitsinissamik pingaartitsinermut tulluuppata (tamatumunnga erseqqinnerusumik ataani tak. imm. 3.4.2)

Imm. 2.3-mi allaatigineqartutuut ilimagineqarsinnaanngilaq pinerluttulerinermik inatsit periarfissiisooq tigungmisassatut eqqartuunneqarsimasut Kalaallit Nunaanni inissiisarfirmmut ammasumut Nuummi tigungmisassanngortitanut immikkoortorta qarfiulersussamut nuutsinnissaannik.

Justitsministeria taamaattumik periarfissaqarpoq immikkut periarfissiisummik ivertitsissalluni, eqqartuussivik aalajangiisinnaassasoq inuit inatsisip atuutilinnginnerani tigummissassatut eqqartuunneqarsimasut, aamma immikkoortortamut ammasumut inissinneqarsimasut tigummissassanut immikkoortortassamut nuutsinnissaannut, tak. ataani 3.4.3.

3.2. Nakkutigisassatut eqqartuunneqartut tigummineqartullu Danmarkimut inissinneqartarnerannik aalajangersakkap atorunnaarsinnissaa.

Pinerluttulerinermik inatsimmi § 161, imm. 5-imi periarfissiissuteqarpoq nalunaarutikkut § 148. imm. 3-p, aamma § 161, 2-mit 4-p, nuutsinnaanermut aamma Danmarkimut inissiinissamik eqqartuussissutip atorunnaarsinnissaanut, Nuummi tigummissassanngortitanut immikkoortortassaq pilersinneqarsimalerpat.

Aammataaq Kalaallit Nunaanni eqqartuussisarneq pillugu inatsit § 372, imm. 3-ani piginnaatitsivoq nalunaarutikkut §§ 371 aamma 372 atorunnaasissinnaallugit, tigummisanik Danmarkimut inissiinermik, Nuummi nakkutillivittut immikkoortortap pilersinneqareernerani.

Taamaakkaluartoq Justitsministeriamit isumaqartoqarpoq siunertamut naleqqunnerussasoq pinerluttulerinermik inatsimmi § 148, imm. 3-mi aamma § 161, imm. 2-4-mi, peqatigalugu § 161, imm. 5-imi, aamma Kalaallit Nunaanni eqqartuussisarnermik inatsimmi §§ 371 aamma 372 aalajangersakkanik atorunnaarsitsinerit inatsisikkut pippata. Tamatumunnga pingaartumik tunngaviuvoq, inatsimmut peqatigitillugu ilaatigut eqqunneqarsinnaammat piginnaatitsinissaq nakkutigisassatut eqqartuussat Danmarkimut inissinneqarsimasut Nuummi nakkutilliivittut immikkoortortamut nuutsinneqarsinnaasut.

Tamanna tunngavigalugu siunnersuutigineqarpoq aalajangersakkat atuuttuujunnaarsinneqassasut, aamma Justitsministerip – inatsisissap atuutilissappat – inatsisissap atuutilernissaanik erseqqinnerusumik piffissaliineq aalajangersassavaa.

Inatsisip atuutilerpera kinguneqarpoq ikaarsaariarnermi aalajangersakkat atuokkuunnaassasut, piumasarineqarpoq pissasoq nakkutilliinermut immikkoortortaq Nuummi piulereerpat, aamma taamaalilluni pisariaarulluni nakkutigisassatut eqqartuussat tigummissassallu Danmarkimut inississallugit.

Soorluttaaq aalajangersakkat atorunnaarnerata kingunerissavaa, piginnaatitsisoqarunnaassasoq nakkutigisassatut Danmarkimut inissinnissaanut nuutsinnissaannullu, kisianni tak. ataani, soorlu aamma piginnaatitsisoqarunnaassasoq tigummissassat Danmarkimut inissinnissaannut.

Tigummissassatut eqqartuussaq tamatuma kingorna periarfissatut siullertut Kalaallit Nunaanni tigummissassanngorlugit immikkoortortamut inissineqartalissaaq, tak. pinerluttulerinermik inat-simmi § 241, imm. 2.

Pineqartoq nalilerneqarpat immikkoortortami ammasumi inissinneqarsinnaasoq, aamma taamatut inissiineq naammattumik isumannaatsuosorinarpat, immikkut isiginninnikkut aalajangiisoqarsinnaavoq immikkoortortamut ammasumut inissineqassasoq.

Justitsministeriamit paasinninneq malillugu pisariaqartoq – pinerluttulerinermik inatsisip § 194-ia aallaavittut naapertorlugu – tassaasariaqarpoq Kalaallit Nunaanni Pinerlussimasunik nakkutilliiviup Siuttui nakkutigisassassatut eqqartuussat pillugit aalajangiisassallutik. Tassunnga tunngatillugu piumasarineqarpoq pinerluttulerinermik inatsisip § 241, imm. 4 (siunissami § 241, imm. 6) malillugu malittarisassanik aalajangersaasoqartariaqartoq – immikkoortortami ammasumit nakkutigisaasutut eqqartuussap inissinnissaa pillugu aalajangersaasoqartinnagu – Rigsadvokatimit oqaaseqaammik pissarsisimanissaq.

Aamma malugeqquneqarpoq pinerluttulerinermik inatsimmi § 257 aamma § 259 malillugit periarfissaqassasoq Kalaallit Nunaanni inissiisarfimmut imalunniit nakkutigisassatut inissitassatut eqqartuussut - Danmarkimi, eqqartuussaq Daqnamarkimi najugaqarsimappat imalunniit allatigut Danamrkimi nunaqavissuulluni, imaluunniit eqqartuussaq Danmarkimiissimappat, isumaqarfigineqarpallu naleqqunnerussasoq naammaassinninneq Danmarkimi pissasoq.

Tigummissassaq nangittumik aallaviusumik inissineqassaaq inissiivittut unnuisarfimmi imaluunniit inissiisarfimmi, tak. Kalaallit Nunaanni pinerluttulerinermik inatsisip § 370-ia. Imm. 2.1-imi nassuiaatigisatut piviusutigut aallaaviuvoq tigummissaq inissiisarfimmut inissineqassasoq. Tamatumunnga atatillugu ilaatigut pisoqarsinnaavoq Nuummi inissiisarfittaassami matoqqasumut inissiisinnaaneq, inatsisissaq naammassisi-malerpat.

Inatsisissatut siunnersuummi § 1, § 2, nr. 1-3, aamma § 3 innersuussutigineqarput.

3.3. Inunnik inatsisip atuutilererneratigut tigummissassatut eqqartuunneqartunik nuutsitsineq

Siunnersuutigineqarpoq inuit inatsisip atuutilereerneratigut tigummissassatut eqqartuunneqartunut periarfissiissuteqartoqassasoq immikkoortortami ammasuminngaaniit tigummissassanut immikkoortortamut nuutsisisinnaanermik (ataani imm. 3.3.1) aamma tigummissassanut immikkoortortamiit immikkoortortamut ammasumut (ataani imm. 3.3.2).

3.3.1. Kalaallit Nunaanni tigummissassatut eqqartuussanik immikkoortortami ammasumiit tigummissassanut immikkoortortamut nuutsitsinissamut periarfissiissummik atulersitsineq

Pinerluttulerinermik inatsimmi § 161, imm. 4 -mi oqaaseqatigiit siullerni aalajangersagaq atuukkunnaartussatut siunnersuutigineqartoq malillugu Danmarkimut nuutsitsilluni inissiineq pisinnaavoq, Kalaallit Nunaanni inissiisarfimmi inissiineq naammaginartumik isumannaatsuusorineqanngikkaangat.

Imm. 2.3-mi allaatigineqartutuut ilimagineqarsinnaanngilaq pinerluttulerinermik inatsit periarfissiissuteqarsinnaasoq tigummissassanngorlugit eqqartuussat Kalaallit Nunaanni inissiisarfimmi ammasumiit Nuummi inissiisarfissap tigummissassanut immikkoortortaqaarfianut illuanullunnit nuutsitsisoqarsinnaasoq.

Tamanna tunuliaqutaralugu siunnersuutigineqarpoq immikkut periarfissiissusiorortoqassasoq inatsisip atuutilereerneratigut tigummissassanngorlugit eqqartuussinikkut aalajangiisoqarsinnaanngorlugu immikkoortortamut aamma sumut inissinneqarsimasoq tigummissassanut immikkoortortamut nuutsinneqarsinnaasoq.

Justitsministeriap paasinninnera malillugu tamanna pisariaqarpoq – pinerluttulerinermik inatsimmi § 194 aallaavittut naapertorlugu – Kalaallit Nunaanni Pinerluuteqarsimasunik Nakkutilliiviup Pisortaa tassaasariaqartoq tigummissassanngorlugit immikkortortamut nuutsitsinissamik aalajangiisartussa.

Tamanna tunngavigalugu siunnersuutigineqarpoq pinerluttulerinermik inatsimmi § 241-mi imm. 4 nutaaq ivertinneqassasoq, aalajangersaasoq Kalaallit Nunaanni Pinerluuteqarsimasunik Nakkutilliiviup Pisortaata aalajangersinnaagaa, immikkoortortami ammasumi inissinneqarsimasoq, pinerluttulerinermik inatsimmi § 161 malillugu tigummisassatut eqqartuunneqarsimasoq, nakkutigisassanut immikkoortortamut nuutsinneqassasoq, immikkoortortami ammasumi inissiisimaneq naammattumik isumannaatsuusorineqarsimanngippat.

Aalajangersagassatut siunnersuut taamaallaat atuuffeqassaaq inissitassatut eqqartuunneqarsimasunut inatsisip atuutilernerata kingornagut immikkoortortamut ammasumut inissinneqarsimasunut.

Nakkutilliivimmuut nuutsitsinissamut piumasagaataavoq immikkoortortamut ammasumut inissiineq malunnarpoq naammattumik isumannaatsuunngitsoq. Tamatuma assigai § 161, imm. 4. Oqaaseqatigiit siuliini aalajangersakkamut, Kalaallit Nunaanni inissiisarfimmit Danmarkimi pinerluuteqarsimasunik nakkutilliiviup ataani tarnit nakorsaannik siuttulimmuut nuutsitsineq pillugu, atuuttumut piumasagaatit oqaasertalerneru.

Nakkutigisassanut immikkoortortamut nuutsitsineq pisinnaassaaq pisuni nuutsitsineq pisariaqartutut isigineqaraangat, pissutigalugu inissinneqarsimasoq inissiisarfimmi aaqqissukkami ammasumi inissisimatineqarsinnaanngikkaangat.

Aalajangersagassatut siunnersuutigineqartoq pisinnaassaaq, soorlu pisoqarnerani inissitaq iliutsimigut inissisimaqatiminut, sulisunut inissiisarfimmiittunullunniit allanut navianarsinnaasumik pissuseqarpat, aamma inissiisarfimmiitinneqartoq qimaasimappat qimaanissaniluunniit pilersaarutigisimappagu.

Aalajangersagaq aammattaaq atuussinnaavoq pisuni inissiisarfimmi init allanngortitersimappata akisussaassusilimmik isumannaassorinarunnaarlutik, inissinneqarsimasoq inissiisarfimmi inissisimassappat. Tamatumunnga tunngatillugu piumasarineqarpoq Kalaallit Nunaanni Pinerluuteqarsimasunik nakkutilliiviup siuttuisa nakkutilliivittut immikkoortortamut nuutsitsinissamik apeqqut isummerfigissagaat piffissami nakkutillivittut immikkoortortamut nuutsitsineq pisinnaasoq inissiisarfimmi init sinaakkutisiinikkut allanngortiterneru suli pitinnagit.

Inatsisissatut siunnersuummi § 2, nr. 4 aamma § 3 innersuussutigineqarput.

3.3.2. Kalaallit Nunaanni tigummissassatut eqqartuussat tigummissassanut immikkoortortamit immikkoortortamut ammasumut nuutsisinnaannissammut periarfissiisutininik ivertitsinissaq

Pinerluttulerinermik inatsimmi § 161, imm. 3, imm. 1 aalajangersakkami atuukkunnaartussatut siunnersuutigineqartumut Kalaallit Nunaanni inissiisarfimmit nuutsitsineq pisinnaavoq naapertuussorineqarpat naammattumillu isumannaatsuusorineqarpat. Imm. 2.2.-mi allaatigineqartutuut aalajangersagaq immikkut siunertaqarpoq Kalaallit Nunaanni inissiisarfiiup immikkoortortamut ammasumut iperagaajartuaarnermut ilaatut nuutsisisinnaaneq periarfissiuunnarlugu.

Imm. 2.3-mi allaatigineqartutuulli ilimagineqarsinnaanngilaq pinerluttulerinermik inatsit imaqartoq periarfissiisutininik tigummissassanngorlugit eqqartuussat Kalaallit Nunaanni inissiisarfimmi ammasumiit Nuummi tigummissassanngortitanut immikkoortortami Nuummiittussamut nuunneqarsinnaasut illuatungaanullunniit.

Justitsministeriamit isumaqartoqarpoq tigummissassanngorlugit eqqartuussat Nuummi tigummissassanut immikkoortortaqaarfimmut inissinneqartut tigummissassaanermiit iperagaajartuaarnermut atasumik pisortatigut ingerlatsinikkut nuutsinneqarsinnaanissannut periarfissaqartariaqartoq.

Tamanna tunngavigalugu siunnersuutigineqarpoq pinerluttulerinermik inatsimmi § 241, imm. 5, imm. 1-ikkut tamatumunnga immikkut periarfissiinissamik ivertitsisoqartariaqartoq, tamatuma, kinguneranik Kalaallit Nunaanni Pinerluuteqarsimasunik Nakkutilliiviup Pisortaa aalajangiisinnaanngorlugu, tigummissassatut immikkoortortami inissisimasoq immikkoortortamut ammasumut nuutsinneqassasoq, siunertamut naapertuuppat aamma isumannaatsuutitsinissamut tulluarpat.

Aalajangersagassatut siunnersuut tigummissassatut eqqartuunneqarsimasunut inatsisip atuutilereernerani Nuummi tigummissassanut immikkoortortamut inissinneqarsimasunut. Inuit taamaattut ilagaat tigummissassatut eqqartuunneqarsimasut inatsisip atuutilernerata kingorna tigummissassatut eqqartuunneqartut tigummissassanullu immikkoortortamut inissinneqartut, aamma tigummissassatut eqqartuunneqarsimasut § 241, imm. 4-mi

aalajangersagassatut siunnersuut malillugu nuutsinneqarsimasut Nuummi tigummissassanut immikkoortortamut. Aalajangersagaq atuuffeqassaaq tigummissassatut eqqartuunneqarsimasunut Herstedvesterimi Paarnaarus-sivimmiit Nuummi tigummi-sassanut immikkoortortamut nuutsitaaniarlutik aalajangersagassatut siunnersuummi § 4, imm. 1 malillugu toqqaasimasunut, aamma tigummissassatut eqqartuunneqarsimasunut immikkoortortami ammasumiit tigummissassanut immikkoortortamut aalajangersagassatut siunnersuutigineqartumi § 4, imm. 3 malillugu nuutsinneqarsimasunik. Aammattaaq aalajangersakkatut siunnersuummi § 4, imm. 2-imi oqaaseqatigiit aappaat naapertorlugu tigummissassatut eqqartuunneqarsimasunut nakkutigisassatut immikkoortortamut nuunneqartunut aalajangersagaq sunniuteqassaaq.

Immikkoortortamut ammasumut nuutsitaanissamut piumasagaatit eqqarsaatigalugit aallaavittut § 161, imm. 3 imm. 1-imi aalajangersakkap atuuttumut naleqqiullugu allannguissutissanik siunniussaartoqanngilaq. Tassunga atasumik innersuussutigineqarput § 161, imm. 3-mik naammassiniaalluni piareersaatini (imm. 2.2. inatsisissatut siunnersuummut nr. L 265 maajip 2.-anni 1996-immersumut oqaaseqarfiginnissutit, tak. Folketingstidende 1995-1996, tapiliussaq A, qupp. 5202-5203, aamma § 1, nr. 1-imut oqaaseqarfiginnissutit, tak. Folketingstidende 1995-1996, tapiliussaq A, qupp. 5205) aamma imm. 2.2.-mi allaatiginninneq.

Oqaatigisariaqarporli, aalajangersakkami atuuttumi nuutsitsinermut piumasagaataassasoq inatsisitigut isumannaatsuunissamik isumaginninneq, aalajangersagassatut nutaatut siunnersuutigineqartumi allanngortinneqarmat isumannaatsuunissamik isumaginninnermut tulluuttuunissaa. Tamatumuuna erseqqissarneqarpoq tamanut atuuttumik isumannaatsuunissamik isumaginninneq naatsorsuutigineqassasoq, tassunga ilagitillugu pingaartumik pinaveersimatinniarlugu inissitaq salliutillugu atortariaqartoq inissisimasup pinerloqqinnginnissaa.

Tamanna tunngavigalugu nakkutillivittut immikkoortortamit immikkoortortamut ammasumut nuutsitsinissamut piumasagaataassaaq, nuutsitsineq isigineqassasoq siunertarisamut naapertuuttutut aamma isumannaallisaa-titut isiginiakkanut naleqquttutut.

Piumasagaatikku tamatumuuna ersersinneqarpoq iperaajartuaarinermik aaqqissuussinermik aaqqissuussineq atuutissasoq inissisimasunut piffis-sami sivikikannersumi misiligummik iperagaagallarsinnaajumaartunut.

Tamatumunnga tunngatillugu piumasaqaataavoq pinerluttulerinermik inatsisip § 241, imm. 4-ani (siunissami § 241, imm. 5) malittarisassanik aalajangersaasoqassasoq, - nakkutigisassatut eqqartuussap immikkoortortamut aammasumut nuutsitsinissamik aalajangiisoqartinnagu - Rigsadvokatimit oqaaseqaammik pissarsisoqartassasoq.

Aammattaaq siunnersuutigineqarpoq imm. 5. imm. 2 nutaaq ivertinneqassasoq, aalajangersaasoq inissinneqarsimasoq nuutsitaanerup kingorna immikkoortortami inissisimassalluni piukkunnangitsoq, imalunniit inissiineq taanna naammattumik isumaannatsorsiorfiunngitsoq, Kalaallit Nunaanni Pinerluuteqarsimasunik nakkutilliviup Pisortaata aalajangersinnaavaa, inissitaq taanna tigummissassanut immikkoortoqarfimmut utertinneqassasoq.

Tamatuma assigaa aalajangersakkami atuuttumi § 161, imm. 3, imm. 2-mi Danmarkimut utertitsinermut piumasaqaatit oqaasertaligaanerat.

Nakkutigisassanut immikkoortortami inissinneqarsimasut utertinneqarsinnaapput pisumi nuutsitsineq pisariaqartutut isigineqarpat, pissutigalugu inissinneqarsimasoq inissiisarfittut aaqqissukkami aammasumi inissisimatinneqarsinnaanngikkaangat.

Aalajangersagassatut siunnersuut assersuutigalugu atuutsinneqarsinnaavoq pisuni inissinneqarsimasup inissisimaqatiminut pissusilersorsimanera pissutigalugu, sulisunut imaluunniit inissiisarfimi allanut isumannaatsuunissamut navianartutut nalilerneqarpat, aamma pisuni inissinneqarsimasoq qimaasimappat qimaariaraluarsimappalluunniit.

Aalajangersagaq aammattaaq atuutsinneqarsinnaavoq pisuni inissiisarfimmi sinaakkutit imatut allanngortinneqarsimappata, isumannaatsusussasut illersorneqarsinnaanatik inissinneqarsimanersut inissiisarfimmii-ginnassappata. Tamatumunnga tunngatillugu piumasarineqarpoq Kalaallit Nunaanni Pinerluuteqarsimasunik Nakkutilliviup siuttuisa nakkutillivittut immikkoortortamut utertitsinissamik apeqqut isummerfigissagaat piffissami nakkutillivittut immikkoortortamut utertitsinerup pisinnaaffiani, sinnaakkutit aaqqinniarlugit allanngortinnerat sioqqullugu.

Inatsisissatut siunnersuummi § 2, nr. 4, aamma § 3 innersuussutigineqarput.

3.4. Inunnik inatsisip atuutilerana sioqqullugu tigummissassatut eqqartuunneqarsimasunik nuutsitsineq

Inunnut inatsisip atuutilerana sioqqullugu tigummissassatut eqqartuunneqarsimasunut, aamma Danmarkimi pinerluuteqarsimasunik nakkutillii-veqarfup ataani inissiisarfimmut tarnit nakorsaannik aqunneqartumut inissinneqarsimasunut, siunnersuutigineqarpoq Kalaallit Nunaanni tigummissassanngortunut immikkoortoqarfimmut nuutsitsinissamut (ataani imm. 3.4.1) aamma Kalaallit Nunaanni inissiisarfimmi immikkoortortamut ammasumut nuutsitsinissamut (ataani imm. 3.4.2) periarfissiisummik ivertitsisoqassasoq. Inunnut inatsisip atuutilerana sionatigut tigummissassatut eqqartuunneqarsimasunut, aamma Kalaallit Nunaanni inissiisarfimmi immikkoortortamut ammasumut inissinneqarsimasunut, siunnersuutigineqarpoq tigummissassanut immikkoortumut nuutsitsinissamut periarfissiisuteqartoqassasoq (ataani imm. 3.4.3).

3.4.1 Tigummissassatut eqqartuunneqarsimasunik Danmarkimi pinerluuteqarsimasunik nakkutillisoqarfup ataani inissiisarfimmi tarnit nakorsaannik siuttoqartumiit Kalaallit Nunaanni tigummissassanut immikkoortoqarfimmut nuutsitsinissamut periarfissiisummik ivertitsinissaq

Imm. 2.2-mi allaatigineqartutuulli ilimagineqarsinnaanngilaq pinerluttulerinermik inatsimmi periarfissiisuteqassasoq tigummissassatut eqqartuunneqarsimasut Herstedvesterimi Parnaarussivimmit Nuummi tigummissassanut immikkoortoqarfimmut nuutsitsinissamik.

Tamanna tunngavigalugu siunnersuutigineqarpoq periarfissiisummik ivertitsisoqassasoq Justitsministerip imalunniit ministerip taamaaliornissamik piginnaatitaata aalajangersinnaassagaa, inuit pinerluttulerinermik inatsimmi § 148, imm. 3, imalunniit § 161, imm. 2-mit 4-mut malittarisagallartut malillugit, eqqartuunneqarsimasut imalunniit Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aqunneqartumut inissitassatut, nuutsinneqarsinnaasut Kalaallit Nunaanni Pinerluuteqarsimasunik Nakkutilliiviup ataani tigummissassanut immikkoortortaqarfimmut.

Aammattaq siunnersuutigineqarpoq tigummissassatut eqqartuunneqartut Kalaallit Nunaanni tigummissassanut immikkoortortaqarfimmut nuutsitaasinnaanissaa pisinnaasoq taamaallaat pineqartup akuersineratigut.

Siunnersuutip kingunerissavaa inuit pineqartut namminneq toqqaasinnaa-
nissaat Danmarkimiit Kalaallit Nunaannut nuutsinneqarsinnaanissamut.

Siunnersuutip kingunerissavaattaq Kalaallit Nunaannut nuutsitaasin-
naaneq isigineqassasoq periarfissaajuartutut, t.i. inuit pineqartut toqqa-
sinnaassapput aallaqqaammut Herstedvesterimi Parnaarussivimmiigin-
nassanerlutik aatsaallu kingusinnerusukut Kalaallit Nunaannut nuutsi-
taallutik.

Kiisalu siunnersuutigineqarpoq justitsministeri nuutitsinissamut malitta-
risassanik erseqqinnerusunik aalajangersaassasoq. Tassunga tunngatil-
lugu piumasarineqarpoq, ilaatigut malittarisassanik aalajangersaasoqas-
sasoq nuutsitsinermit suliaqarnermut malitassianik, tassunga
ilagitillugit akuersissummik pissarsisimanissamik, aamma nuutsitsineq
qanoq sivistutisumik naammassiniarneqarnermoq, akuersissummik
pissarsinermit nuutsitsinermut.

Inatsisissamik siunnersuummi § 4 innersuussutigineqarpoq.

*3.4.2. Danmarkimi pinerluuteqarsimasunik nakkutilliiviup ataani inissii-
sarfimmut tarnit nakorsaannik aqunneqartumut tigummisassanngorlugit
eqqartuunneqarsimasut Kalaallit Nunaanni immikkoortortamut ammasu-
mut nuutsissinnaanissaannut periarfissiissutissamik ivertitsinissaq*

Pinerluttulerinermik inatsimmi § 161, imm. 3-mi oqaaseqatigiit siulliit
atuukkunnaarneratigut tigummisassanngorlugit eqqartuunneqarsimasut
Herstedvesterimi Parnaarussivimmit Kalaallit Nunaanni Pinerluuteqar-
simasunik nakkutilliiviup ataani immikkoortortamut ammasumut
nuutsitsisinnaanermik periarfissiissutaaruttussaavoq.

Justitsministeriamit isumaqartoqarpoq tigummisassanngorlugit eqqar-
tuussaasimasut Herstedvesterimi nangittumik inissisimarusuttut tigum-
missaanermit iperagaajartuaarnermut atasumik Kalaallit Nunaanni inissii-
sarfimmut ammasumut pisortatigut ingerlatsinermit nuutsitsinissamik
periarfissiissuteqartariaqartoq.

Tamanna tunngavigalugu siunnersuutigineqarpoq periarfissiissummik
ivertitsisoqartariaqartoq justitsministeri imalunniit ministerip taamaalio-
rnissamik piginnaaniligaa aalajangiisinnaanngorlugu inuit pinerluttuleri-
nermik inatsit § 148, imm. 3, imaluunniit § 161, imm. 2-mit 4-mut
aalajangersagaagallartut malillugit Danmarkimi pinerluuteqarsimasunik

nakkutilliiviup ataani tarnit nakorsaannik aqunneqartumik inissinneqar-nissamik eqqartuunneqarsimasut imaluunniit nuutsinneqarsimasut nuut-sinneqassasut Kalaallit Nunaanni Pinerluuteqarsimasunik Nakkutilliiviup ataani immikkoortortamut ammasumut nuutsinneqassasut, siunertamut naapertuussorinarpat aamma isumannaatsuutitsinissamik isumaginninnis-samut tulluarpat.

Kalaallit Nunaanni inissiisarfimmi immikkoortortamut ammasumut nuutsitsinissaq eqqarsaatigalugu tunngaviatigut siunnerfiunngilaq § 161, imm. 3, imm. 1-imi aalajangersakkami atuuttumi allannguinnissaq. Tassunga atasumik innersuussutigineqarput § 161, imm. 3-mik naammas-sinniarnermi piareersaatit (imm. 2.2 inatsisissatut siunnersuummut nr. L 265 maajip 2.-anni 1996, tak. Folketingstidende 1995-1996, tapiliusaaq A, qupp. 5202-5203, saniatigut oqaaseqarfiginnissutit § 1-mut, nr.1 tak. Folketingstidende 1995-1996, tapiliusaaq A qupperneq 5205) oqaaseqarfiginnissutit tamanut atuuttut.

Oqaatigineqassaarli, aalajangersakkamut attuuttumut piunasaqaataam-mat nuutsitsineq inatsisitigut isumannaatsuunissamik isumaginnin-nermut naapertuuttuunnissaa, aalajangersagassatut siunnersuummi allan-gortinneqarmat nuutsitsineq isumannaatsuunissamik isumaginninnermut tulluutissasoq. Tamatumunnga erseqqissarniarneqarpoq tamanut atuuttu-mik isumannaatsuunissamik isumaginninnermut naatsorsuutigineqas-sasoq, tassunga ilagitillugu immikkut pinaveersimatinniarlugu inissinne-qarsimasup pinerloqqinnissaa.

Tamanna tunuliaqutaralugu Kalaallit Nunaanni inissiisarfimmi imikkoor-tortamut ammasumut nuutsitsinermi piunasaqaataassaaq, nuutsitsinerup siunertamut naapertuunnissaa aamma isumannaatsuutitsinissamik isumaginninnermut tulluuttunnissaa.

Piunasaqaammi tamatumunnga ilisimatitsissutigineqassaaq iperagaajar-tuaarneq aallaqqaammut atugassaammat inissinneqarsimasunut piffis-sami sivikikannersumi misiliummik iperagaagallarsinnaasussanut.

Siunnersuutigineqarportaaq inissinneqarsimasooq nuutsitsinerup kingorna ammasumi inissisimanissaminut piukkunnanngitsuusoq malunnarsippat, imaluunniit taamatut inissiineq naammaginantumik isumaannatsorsior-fiunngitsoq, justitsministerip imalunniit ministerip taamaaliornissamik piginnaaniligaata aalajangersinnaavaa inissinneqarsimasooq Kalaallit Nunaanni tigummissassanut immikkoortortamut inissinneqassasoq.

Tamatuma assigaa aalajangersakkami atuuttumi § 161, imm. 3, oqaaseqatigiit aappaanni Danmarkimut utertitsinermut piunasaqaatit oqaasertaligaanerat.

Nakkutilliivittut immikkoortortami inissisimasunik nuutsitsineq pisinnaavoq pisuni nuutsitsineq pisariaqartutut isigineqaraangat pissutigalugu inissinneqarsimasoq inissiisarnermik aaqqissuussami ammasumi inissisimasinnaangitsutut.

Aalajangersagassatut siunnersuut assersuutigalugu atuussinnaavoq pisuni inissinneqarsimasoq pissusilersornini pissutigalugu inissisimaqatiminut, sulisunut imalunniit inissiisarfimmi allanut isumannaatsuunissamut navianarpat, aamma pisuni inissinneqarsimasoq qimaasimasoq taamaaliornissamillunniit misiliisimasoq.

Aalajangersagaq aamma atorneqarsinnaassaaq pisuni inissiisarfimmi sinnaakkutaasut imatut allanngorpata isumannaallisaanermut illersuutaasinaajunnaarlutik inissinneqarsimasoq inissisimassappat. Tamatumunnga tunngatillugu piunasaqaataavoq justitsministerip imaluunniit ministerip taamaaliornissaamik piginnaatitaata nakkutilliivittut immikkoortortamut nuutsitsinissaq isummerfigissagaat piffissami nakkutilliivittut immikkoortortamut nuutsitsinerup pisinnaaffiani, inissiisarfimmi sinaakkutaasunut allannguutit allanngortinneqannginnerini.

Siunnersuutigineqarpoq nuutsitsisarnermut malittarisassat erseqqinnerusut justitsministerip aalajangersartassagai. Tamatumunna tunngatillugu piunasaqaataavoq ilaatigut nuutsitsinermut suliat ingerlanneqartarnerinut malittarisassanik aalajangersaasoqassasoq, tamatumunnga ilagitillugu – Kalaallit Nunaanni immikkoortortamut ammasumut nuutsitsisarnermik aalajangiineq sioqqullugu – Rigsadvokati tamanna pillugu oqaaseqaammik pissarsiffigineqartassasoq.

Inatsisissatut siunnersuummi § 4 innersuussutigineqarpoq.

3.4.3. Tigummisassatut eqqartuussaasimasunik Kalaallit Nunaanni immikkoortortami ammasumiit Kalaallit Nunaanni tigummisassatut immikkoortoqarfimmut nuutsitsinissamik periarfissiissutissamik ivertitsineq

Maanna Kalaallit Nunaanni inissiisarfinni tigummissassatut eqqartuun-
neqarsimasut amerlangitsut immikkoortortami ammasumi inissinne-
qarsimasuupput. Inuit taakkua immikkoortoqarfimmut ammasumut
inissinneqarsimapput Kalaallit Nunaanni eqqartuussivimmit pinerluttule-
rinermik inatsimmi § 161, imm. 1-mi aalajangersagaq attuuttuusoq
malillugu.

Imm. 2.3-mi allaatigineqarneratulli ilimagineqarsinnaanngilaq pinerluttu-
lerinermik inatsit tigummissassatut eqqartuussaasoq Kalaallit Nunaanni
inissiisarfimmi immikkoortortami ammasumit Nuummi tigummissassanut
immikkoortortassanut nuutsinnissaannut periarfissiisummik imaqartoq.

Tamanna tunngavigalugu siunnersuutigineqarpoq immikkut periarfissiis-
summik ivertitsisoqassasoq tigummissassatut eqqartuussat ammasumi
inissinneqarsimasut tigummissassanut immikkoortumut nuutsinneqas-
sasut. Eqqartuussivik Kalaallit Nunaanni immikkoortortamut ammasumi
aalajangiisuummat, Justitsministeriamit paasinnineq malillugu aamma
eqqartuussivik tassaasariaqartoq tamaattoqarnerani aalajangiisussaq
tigummissassanut immikkoortortamut kingorna nuutsitsinissamik.

Tamanna tunuliaqataralugu siunnersuutigineqarpoq, eqqartuussiviup
aalajangersarsinnaagaa inuit pinerluttulerinermik inatsimmi § 161, imm.
1 maannamut aalajangersagaq malillugu eqqartunneqarsimasut, tigu-
misassatut immikkoortortamut nuutsinneqarsimasut, aamma Kalaallit
Nunaanni Pinerluuteqarsimasunik Nakkutilliiviup ataani immikkoor-
tortamut ammasumut inissinneqarsimasut nuutinneqassasut Kalaallit
Nunaanni Pinerluuteqarsimasunik Nakkutilliivup ataani tigummissassanut
immikkoortortamut, immikkoortortami ammasumi inissitaasimaneq
naammaginartumik isumannaatsuusorinangippat.

Nakkutillivittut immikkoortortamut nuutsitsinermut piumasaqaataavoq
immikkoortortamut ammasumut nuutsitsineq naammattumik isumannaal-
lisaatitut naammaginarsimanngitsoq. Tamatuma oqaasertaligaanerata
assigai § 161, imm. 4, oqaaseqatigiit siulliit malillugit piumasaqaatit,
Kalaallit Nunaanni inissiisarfimmit Danmarkimi Pinerluuteqarsimasunik
Nakkutilliiviup ataani inissiisarfimmut tarnit nakorsaannit aqunneqar-
tumit nuutsitsineq pillugu.

Inissinneqarsimasunik nakkutilliivittut immikkoortortamut nuutsitsiso-
qarsinnaassaq pisuni nuutsitsineq pisariaqartutut isigineqarpat, pissuti-

galugu inissinneqarsimasoq inissiisarfittut aqqissukkap sinaakkusernerani inissisimatinneqarsinnaanngikkaangat.

Aalajangersagassatut siunnersuut atuutsinneqarsinnaassaaq pisuni inissinneqarsimasup pissusilersornini pissutigalugu inissisimaqatiminut, sulisunut imalunniit inissiisarfimiittunut allanut isumannaatsuunissam navianartorsiortitsippat aammalu pisuni inissinneqarsimasoq qimaasimappat taamaaliornissamillunniit misiliisimappat.

Aalajangersagaq aammattaaq atuutsinneqarsinnaavoq pisuni inissiisarfimmi sinnaakkutaasut imatut allanngortinneqarsimappata imatut isumannaatsuunissaq illersorneqasinnaajunnaarluni inissinneqarsimasoq inissiisarfimmiiginnassappat. Tamatumunnga atatillugu piunasaqaataavoq nakkutilliivittut immikkoortortamut nuutsitsinissamik apeqqut eqqartuussivimmut apuunneqassasoq piffissami nakkutillivittut immikkoortortami nuutsitsinissap pisinnaaffiani, inissiisarfimmi sinnaakkutaasuni allanngortitsinerit aallartinnginnerini.

Inatsisissatut siunnersuummi § 4 innersuussutigineqarpoq.

3.5. Tigummissassatut eqqartuunneqarsimasut Nuummi inissiisarfimmi inissinneqarnissaat

Tigummissassatut eqqartuunneqarsimasut Kalaallit Nunaanni inissiisarfimmi immikkoortortami ammasumi inissinneqanngitsut Nuummi inissiisarfiiitaassami, taanna 2019-imi piareerpat, matoqqasutut immikkoortortaarfimmut inissinneqassapput.

Pinerluuteqarsimasunik Nakkutilliiviup Pisortaqarfiata tassunga tunngasumik nalunaarutigisimavaa, inissiisarfissaq tamakkiisumik atuuffimmini katillugit 76-inut inissaqartoq, immikkoortortaarfimmi inissanik matoqqasunut 40-nut aammalu immikkoortortaarfimmi ammasumut inissanut ammasunut 24-nut kiisalu iperagaajartuaartunut inissanut 12-inut.

Pilersaarusionermermi piunasaqaataasimavoq inissiisarfimmi inissinneqassasut tigummissassatut eqqartuussaasimasut 20-t, kisianni piunasaavoq inissat matoqqasut 40-t eqaatsumik atorneqassasut, pisariaqartuulernermermi pisartunut naammattusaaraluni.

4. *Pisortanut Aningaasaqarnikkut pisortatigullu ingerlatsinermi kinguneqaatissat*

Ilaatigut nalornissutigineqarpoq Herstedvesterimi Paarnaarussivimmi nakkutigisassatut eqqartuussanit qassit Danmarkimiiginnarumanersut, taamaattumillu kissaatiginagu Nuummi inissiisarfimmuut nuutsinneqarnisartik. Direktoratet for Kriminalforsorgenip nalilerpaa maanna nakkutigisassatut eqqartuussanit affaasa missingi pineqartut. Tamanna isumaqarpoq Herstedvesterimi Paarnaarussivimmi inissat arlallit tigungmiinarneqassasut, tamannalu isumaqartoq aningaasartuuteqarnerunissamik. Aningaasartuuteqarnerunerit taakkua Justitsministeriamut maanna atugassiissutit iluanni isummaarneqarsinnaapput.

5. *Inuussutissarsiornermut aningaasaqarnikut pisortatigullu ingerlatsinermut kinguneqaatissat il.il.*

Inatsisissatut inuussutissarsiornermut imaluunniit pisortatigut ingerlatsinermi kinguneqaatssanik il.il. soqanngilaq.

6. *Innuttaasunut pisortatigut ingerlatsinermut kinguneqaatissat*

Inatsisissatut siunnersuut innuttaasunut pisortatigut ingerlatsinermut kinguneqaatissanik soqanngilaq.

7. *Avatangiisinut kinguneqaatissat*

Inatsisissatut siunnersuummi avatangiisinut kinguneqaatissanik soqanngilaq.

8. *EU-mi inatsisiliornissamut pissuseq*

Inatsisissatut siunnersuut EU-mi inatsisilioriaatsimut sammisunik soqanngilaq.

9. *Oqartussaasut il.il. tusarniaaviusut il.il.*

Inatsisissatut siunnersuummut missiliut piffissamik killilimmik 20. december 2016-imiit 27. Januar 2017-imut tusarniaassutitut nassiussorneqarpoq oqartussaasunut aamma kattuffinnut il.il.:

Kalaallit Nunaanni Eqqartuussivik, Kalaallit Eqqartuussivii, Eqqartuussivinnik Aqutsisoqarfik, Naalagaaffiup Unnerluussisoqarfia, Naalagaaffimmi Politiit, Kalaallit Nunaanni Politimesteri, Pinerluuteqarsimasunik Nakkutilliiiviup Pisortaqarfia, Kalaallit Nunaanni

Pinerluuteqarsimasunik Nakkutilliivik, Den Danske Dommerforening, Dommerfuldmægtigforeningen, Kredsdommerforeningen, Foreningen af Offentlige Anklagere, Politiforbundet i Danmark, Grønlands Politiforening, Advokatrådet, Danske Advokater, Landsforeningen af Forsvarsadvokater, Grønlandske Advokater, Forsvarerforeningen i Grønland, Institut for Menneskerettigheder, Amnesty International, Retspolitisk Forening, Fængselsforbundet, Faggruppen af Socialrådgivere i Kriminalforsorgen, Foreningen af institutionschefer og områdechefer, Kriminalforsorgsforeningen, Landsforeningen KRIM, Landsforeningen SIND og Landsforeningen af nuværende og tidligere psykiatribrugere.

Inatsisisatut siunnersuutitut missiliuut januaarip 18-ianni 2017-imiit februaarip 17-ianni 2017-imut Namminersorlutik Oqartussanit oqartussaasunut soqutigisaqaqatigiiffinullu il.il. aammattaaq makku-nunnga nassiussorneqarsimavoq:

Kalaallit Nunaanni Inuit Pisinnaatitaaffii pillugit Siunnersuisoqatigiit, Kalaallit Illuutaat, Kommuneqarfik Sermersooq, KANUKOKA, Kalaallit Nunaanni Isumaginninnermi Oqartussaqaarfik, Dansk Psykologforening, kreds Grønland aamma Meeqqat Inuusuttullu Oqaloqatiginnittarfiat (MIO) – Meeqqat Oqaaseqartartuat.

Inatsisissatut siunnersuummut missiliuut aammattaaq Namminersorlutik Oqartussanut saqummiunneqarpoq oqaaseqarfigisassatut.

10. Eqiterlugu takussutissiissut

	Kinguneqaatissat pitsaasut /aningaasartuutit ikinnerusut	Kinguneqaatissat pitsaanngitsut /aningaasartuutit amerlanerit
Naalagaaffimmut, kommunitut nunallu immikkoortuinut aningaasatigut kinguneqaatissat	Soqanngilaq	Pingaarutilinnik soqanngilaq

Naalagaaffimmut, kommuninut aamma nunap immikkoortuinut allaffissornikkut kinguneqaatissat	Soqanngilaq	Soqanngilaq
Inuussutissarsiornermut aningaasaqarnikkut kinguneqaatissat	Soqanngilaq	Soqanngilaq
Inuussutissarsiornermut pisortatut ingerlatsinermi kinguneqaatissat	Soqanngilaq	Soqanngilaq
Avatangiisinut kinguneqaatissat	Soqanngilaq	Soqanngilaq
Innuttaasunut pisortatigut ingerlatsinermi kinguneqaatissat	Soqanngilaq	Soqanngilaq
EU-mi inatsisiliornermut pissuseqarneq	Inatsisissatut siunnersuut Inatsisiliornermut sammisunik ilaqanngilaq	EU-mi
EU-p inatsisaanni minnerpaaffissatut pisussaaffiliussat nuullugit atuuttussanngortinneqar nerat (X-iliigit)	Aap	Naagga X

*Inatsisissatut siunnersuummi aalajangersakkanut ataasiakkaanut
oqaaseqarfiginnissutit*

§ 1-imut

Nr. 1-imut aamma 2-mut

Kalaallit Nunaanni Eqqartuussisarneq pillugu inatsimmi § 370, imm. 1-imi aalajangersakkap atuuttup kinguneranik, tigummisaq inissinneqartartoq inissiivittut unnuisarfimmi imalunnit inissiisarfimmi, imaassimannikkangat eqqartuussivik aalajangiisimasoq pissusissani §

361-imi malitassat qasunganerusut atorniarlugit imaluunniit § 371 malillugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik siuttulimmut inissinniarluni. Atuuttuni aallaaviuvoq tigummisaq inissiisarfimmut inissinneqassasoq, inissiivittut unnuisarfiit tigummisanut inissiisarfittut atuukkunnaarmata.

Kalaallit Nunaanni eqqartuussisarneq pillugu inatsisip § 371-ia malillugu eqqartuussivik aalajangiisinnaavoq tigummisaq – piumasaaqaatit erseqqinnerusumik nalunaakkat tunngavigalugit – inissinneqassasoq Danmarkimi pinerluuteqarsimasunik nakkutilliiviup ataani inissiisarfimmi tarnit nakorsaannik siuttulimmi. Eqqartuussivimmut § 371 malillugu inissiinisaamut aalajangernermut periaasissami malittarisassat erseqqinnerusut aalajangersarneqarput eqqartuussisarneq pillugu inatsisip § 372-iani.

Siunnersuutigineqarpoq Kalaallit Nunaanni eqqartuussisarneq pillugu inatsimmi §§ 371 aamma 372 tigummissat Danmarkimi inissinneqartarnerannut aalajangersakkanut tunngasut atorunnaarsinneqassasut. Aalajangersakkat atorunnaarnissaata kingunissaa tassaassaaq tigummi-sanik Danmarkimut inissiisarnermik piginnaatitsisarneq atuukkunnaassasoq.

Tigummisaq tamatuma kingorna nangittumi inissiivittut unnuisarfimmi imaluunniit inissiisarfimmi inissinneqartassaaq, tak. Kalaallit Nunaanni eqqartuussisarneq pillugu inatsimmi § 370. Taaneqareersutut pisuni aallaaviuvoq tigummisaq inissiisarfimmut inissinneqassasoq. Tamatumunnga tunngatillugu ilaatigut matoqqasumik inissiisoqartarsin-naassaaq Nuummi inissiisarfittaassaaq naammassisimalerpat.

§§ 371-ip aamma 372-ip atorunnaarnissaannik siunnersuutip kinguneranik siunnersuutigineqarpoq § 370, imm. 1-imi oqaasertaasa aaqqissuunnerini innersuussutiginiarlugu eqqartuussiviup § 371 malillugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aqunneqartumut inissiinissamik aalajangersinnaaneranik atorunnaarsitsinissaaq.

Allatigut inatsisissatut siunnersuummut oqaaseqarfiginnissutit tamanut atuuttut imm. 3.2-mut innersuunneqarput.

§ 2-mut

Nr. 1, 2 aamma 3-mut.

Pinerluttulerinermik inatsit § 148, imm. 3-mi, aamma § 161, imm. 2-4-mi malittarisassanik ilaatigut nakkutigisassatut eqqartuunneqartut Danmarkimut inissinneqartarnerannik.

Siunnersuutigineqarpoq aalajangersakkat pinerluttulerinermik inatsimmi § 148, imm. 3 aamma § 161, imm. 2-4 § 161, imm. 5 peqatigalugu atorunnaassasut.

Aalajangersakkat atorunnaarsinnerata sunniutigissavaa nakkutigisas-satut eqqartuussat Danmarkimut inissinneqarsinnaanerannik nuutsinneqarsinnaanerannillu piginnaatitsisoqarsinnaajunnaassasoq.

Kingorna inuit pinerluttulerinermik inatsit malillugu nakkutigisassatut eqqartuunneqartut taarsiullugu Kalaallit Nunaanni isertitsisarfimmi immikkoortortami ammasumi inissinneqartassapput (massakkut pisinnaareersutut) imaluunniit Nuummi parnaarussivittaassami. Kalaallit Nunaanni Pinerluuteqarsimasunik Nakkutilliivimmi Aqutsisut – pinerluttulerinermik inatsimmi § 161 malillugu inuit nakkutigisassatut eqqartuussiviup eqqartuussimasai – isummerfigissavai inuk pineqartoq sumut inissinneqassanersoq, tak. pinerluttulerinermik inatsimmi § 194 aamma § 241.

Nakkutigisassatut eqqartuussaq aallaavittut inissinneqarsinnaavoq nakkutilliiviusumik immikkoortortamut, tak. pinerluttulerinermik inatsimmi § 241, imm. 2. Pineqartoq immikkoortortami ammasumi inissinneqarsinnaanissamut naleqqussimappat, aamma taamatut inissiineq naammattumik isumannaallisaanerusorineqarpat, qaqutiguinnaq immikkoortortamut ammasumut inissiinissaq aalajangiunneqarsinnaavoq.

Tamatumunnga tunngatillugu piumasarineqarpoq pinerluttulerinermik inatsimmi § 241, imm. 4 (siunissami § 241, imm. 6) malillugu malittarisassanik aalajangersaasoqarsinnaavoq – nakkutigisassatut eqqartuussap immikkoortortamut ammasumut inissinnginnissanik aalajangiisoqannginnerani – Rigsadvokatimit oqaaseqaammik pissarsisimanissaq.

§ 161, imm. 2-5-ip atorunnaarnissaanik siunnersuuteqarnerup kinguneranik siunnersuutigineqarpoq § 148, imm. 2-p oqaasertaanik iluarsartuussinermi, § 161, imm. 1-imi innersuussut § 161-imi kingoraarserniarlugu.

Aamma inatsisissatut siunnersuummut oqaaseqarfiginnissutinut nalinginnaasuni imm. 3.2 innersuussutigineqarpoq.

Nr. 4-mut

Pinerluttulerinermik inatsimmi § 161, imm. 4, oqaaseqatigiinni siullerni aalajangersakkap atorunnarsinneqarnissaanik siunnersuutiginerata kinguneranik, Danmarkimut nuutsitsisoqarsinnaassaaq, imaassimappat Kalaallit Nunaanni inissiisarfimmi inissiineq naammattumik isumannaallisaaffiusimanngitsoq.

Saniatigut pinerluttulerinermik inatsimmi § 161, imm. 3, oqaaseqatigiit siullit malillugit aalajangersagaq atorunnaartussatut siunnersuutigineqarsinnaavoq, Kalaallit Nunaanni inissiisarfimmut nuutsitsisalerluni isuma-qarfigineqarpat siunertamut naleqquttoq isumannaallisaanermullu naapertuuttoq. Aalajangersagaq aalajangersimasumik siunertaqarpoq periarfissiissutiginiarlugu iperagaajartuaarnemut atasumik Kalaallit Nunaanni immikkoortartaqarfimmut ammasumut nuutsitsisinnaaneq.

Ilimagineqarsinnaanngilaq pinerluttulerinermik inatsit imaqassasoq piginnaaniliissummik nakkutigisassatut eqqartuussat nutsissallugit Kalaallit Nunaanni inissiisarfimmut ammasumut Nuummi inissiisarfittaassami illuanullu.

Tamanna tunngavigalugu siunnersuutigineqarpoq immikkut piginnaatitsisoqassasoq inunnik inatsisip atuutilereerneratigut nakkutigisassanut aamma immikkoortortamut ammasumut inissitassanik nakkutilliivittut immikkoortortamut nuutsitsisinnaatitsilluni. Peqatigitillugu siunnersuutigineqarpoq immikkut piginnaaniliisoqassasoq inuit Nuummi nakkutilliivittut immikkoortortamut inissinneqarsimasut nakkutigineqarnermi iperagaajartuaarnemut atasumik immikkoortortamut ammasumut nuutsitsisinnaassallugit.

Taamaalilluni § 241, imm. 4-mi siunnersuutigineqarpoq Kalaallit Nunaanni Pinerluuteqarsimasunik nakkutilliiviup siuttuisa aalajangersin-

naassagaat inissinneqarsimasoq immikkoortorta qarfirmi aammasu-
miittoq, § 161 malillugu nakkutigisassatut eqqartuunneqarsimasoq,
nuutsinneqassasoq nakkutillivittut immikkoortorta qarfirmut imaassi-
mappat immikkoortortami ammasumiinneq naammattumik isuman-
naatsutut isumaqarfigineqarpat.

Siunnersuut tigummissassatut eqqartuunneqarsimasunut, inatsisip atuuti-
lernerata kingorna immikkoortumut ammasumut inissinneqartunut
sunniuteqassaaq.

Nakkutillivittut immikkoortortamut nuutsitsinermut piumasaqaataavoq
immikkoortortamut ammasumut nuutsitsineq naammattumik isumannaat-
sutut isigineqanngitsoq. Tamatuma assigaa § 161, imm. 4, oqaaseqa-
tigiinni siullerni aalajangersakkami piumasaqaatit oqaasertaligaaner-
at, Kalaallit Nunaanni inissisarfirmiit Danmarkimi Pinerluuteqarsimasunik
Nakkutilliviup ataani inissiisarfirmi tarnit nakorsaannik aqunneqartu-
mut inissinermut tunngasoq.

Nakkutillivittut immikkoortortamut inissinneqarsimasunik nuutsitsiso-
qarsinnaassaaq pisuni nuutsitsineq pisariaqartutut isigineqarpat, pissuti-
galugu inissinneqarsimasoq inissiisarfirmi aaqqissukkanik inissisimas-
orineqarsinnaassangimmat.

Aalajangersagassatut siunnersuut assersuutigalugu atuussinnaassaaq
pisuni inissinneqarsimasoq pissusilersornini pissutigalugu isumannaat-
suunissamik navianartorsiortitsisimappat inissisimaqatigisanut, sulisunut
inissisarfirmiittunut allanut, aamma pisuni inissinneqarsimasoq qimaasi-
masoq tamaaliornissamullu misiliisimasoq.

Aalajangersagaq aammattaaq atorineqarsinnaassaaq isertitsivimmi atortut
imatut allannguuteqartinneqarpata inissinneqarsimasup inissiisarfirmi
inissinneqarsimanera isumannaallisaanikkut isumannaatsuusutut isigine-
qarsinnaajunnaartoq. Tassani piumasarineqarpoq Kalaallit Nunaanni
Pinerluuteqarsimasunut Nakkutillivimmi Aqutsisut isummerfigissagaat
nakkutigisassat immikkoortortaannut nuutitsinissamik apeqqut piffissap
imaalinerani pisinnaannersoq nuussinissaq pissalluni inissiisarfirmi
atortut allanngortinneqannginneranni.

Aammattaaq § 241, imm. 5, oqaaseqatigiinni siullerni siunnersuutigi-
neqarpoq Kalaallit Nunaanni Pinerluuteqarsimasunik Nakkutilliviup

siuttuisa aalajangersinnaagaat nakkutillivittut immikkoor-tortami inissinneqarsimasoq immikkoortortamut ammasumut nuutsinneqassasoq, siunertamut naleqqussorinarpat isumannaallisaanermullu naapertuuppat.

Aalajangersagaq siunnersuutigineqartoq malillugu inatsisip atuutilerneratigut Nuummi nakkutigisassanut immikkoortortamiitinneqartusanut eqqartuussanut sunniuteqartussaavoq. Inuit pineqartut tassaapput nakkutigisassatut eqqartuussat, inatsisip atuutilerneratigut nakkutigisassatut eqqartuussat nakkutigisassanullu immikkoortortami inissinneqarsimasut kiisalu nakkutigisassatut eqqartuussat § 241, imm. 4-mi aalajangersagassatut siunnersuut naapertorlugu immikkoortortamit ammasumiit Nuummi nakkutigisassatut immikkoortumut nuutinneqarsimasut. Aamma aalajanger-sagaq nakkutigisassatut eqqartuussanut sunniuteqalersussaavoq, § 4, imm. 1-mi aalajangersagassatut siunnersuutigineqartoq malillugu Herstedvesterimi Parnaarussivissuarmit Nuummi nakkutigisassanut immikkoortortamut nuutsinneqarnissaminnik kissaateqartunut aammalu § 4, imm. 3-mi aalajangersagassatut siunnersuut malillugu nakkutigisassatut eqqartuussanut immikkoortumit ammasumiit nakkutigineqartut immikkoortuannit nuutsinneqarsimasunut. Kiisalu § 4, imm. 2-mi oqaaseqatigiit aappaat malillugu aalajangersagaq nakkutigineqartussatut eqqartuussanut sunniuteqalersussaavoq, nakkutigineqartussatut immikkoortortamut nupsinneqarsimasunut.

Immikkoortumut ammasumut nuutsitsinermut piunasaqaatit eqqarsaatigalugit § 161, imm. 3, oqaaseqatigiinni siullerni aalajangersakkamut atuuttumut aallaqqaammut allannguissutissanik siunniussaqaanngilaq.

Oqaatigineqassaarli nuutsitsinerup inatsisitigut isumannaatsuutitsinissamik isumaginninnermut naapertuuttuunissaanik aalajangersakkami attuuttumi piunasaqaateqarneq, nutaamik aalajangersagassamik siunnersuummi allannguuteqarmat nuutsitsinerup navialisitseratarsinnaanissamik isumaginninnermut tuulluuttuunissamik. Tamatumuuna erseqqissarneqarpoq tamanut atuuttumik navialitsinaveersimatitsinissaq isigimaneqartussaasoq, tassunnga ilagitillugu inissitap nutaamik pinerloratarsinnaanerata pinaveersimatinnissaa.

Taamaalilluni nakkutigisat immikkoortuaniit immikkoortortamut ammasumut nuutsitsinermi piunasaqaataassasoq, nuutsitsineq isumannaatsuutitsinissamik isumaginninnermut tulluurtuussasoq. Piunasaqaammi tamatumani ersersinneqassaaq, iperaajartuaarnermik aaqqissuineq atugas-

saammat salliutillugu piffissami killilimmi inissisimasup misiligummik iperagaagallarsinnaanissaa.

Tamatununga tunngatillugu piumasarineqarpoq pinerluttulerinermik inatsisip § 241, imm. 4-ani (siunissami § 241, imm. 6-imi) malittarisassanik aalajangersaasoqassasoq – nakkutigisassatut eqqartorneqartumik immikkoortortamut ammasumut nuutsitsinissamik aalajangerneq pitinnagu – Rigsadvokatimit tamanna pillugu oqaaseqaammik pissarsisimanissaq.

§ 241, imm.5, oqaaseqatigiit aappaat malillugu siunnersuutigineqarpoq inissinneqarsimasoq nuutsitaanermi kingorna malunnarsippat immikkoortortami ammasumi inissisimassalluni naleqqutinngitsoq, imalunniit nuutsitsineq taanna malunnarsippat naammattumik isumannaassuseqanngitsoq, Kalaallit Nunaanni Pinerluuteqarsimasunik Nakkutilliiviup Pisortaata aalajangersinnaavaa inissinneqarsimasup tigungmisassanut immikkoortortamut utertinneqarnissaa.

Tamanna aalajangersakkami atuuttumi § 161, imm. 3-mi oqaaseqatigiit aappaat naapertorlugu Danmarkimut utertitsinermi piumasaqaatit oqaasertalersugaanerannut assinguvoq.

Utertitsisoqarnissaa pinngitsoorneqarsinnaanngitsutut isigineqaraangat isertinneqartut nakkutigineqartussat immikkoortortaannut utertitsisoqarsinnaavoq, isertitsiviit ammasup iluani atugassarititat isertitsivimmiittussatut eqqartuussamut tulluannginneri pissutigalugit.

Aalajangersagassatut siunnersuutigineqartoq taanna isertinneqarsimasumut ulorianartorsiortitsisinnaasumut, isertitaqatiminik, sulisunik isertitsivimmiluunniit allanut, kiisalu qimaasoqarsimatillugu imaluunniit taamatut misiliisoqarsimatillugu atuutilersinneqarsinnaagaluarpoq.

Aamma isertitsivimmiittumut isertitsivimmi pissutsit atugassarititat isumannaatsuunissaasa illorsorneqarsinnaajunnaartutut isigineqaleraangata aalajangersagaq taanna atuutilersinneqarsinnaassaaq. Tamatumanili eqqaamaneqassaaq Kalaallit Nunaanni Pinerluuteqarsimasunut Isumaginnittoqarfimmi oqartussaasut, inissiisarfimmi atugassarititanik allanngortitsilinnginnermi nakkutigisassat immikkoortuannut utertitsinissamik apeqqummut isummertussaammata.

Aamma innersuutigineqassaaq inatsisissatut siunnersuut pillugu oqaaseqaatini immikkoortoq 3.3.

§ 3-mut

Siunnersuutigineqarpoq justitsministerip aalajangissagaa inatsit qaqugu atuutilersinneqassanersoq.

Inatsilli aatsaat atuutilersinneqassaaq Nuummi isertitsiviup immikkoortortaamatoqqasoq maanna sananeqartoq nakkutigineqartussatut eqqartuussanut atorneqarsinnaalerluni iserterfigineqarsinnaalerpat.

§ 4-mut

Nakkutigineqartussatut eqqartuussat parnaarussivimmit Herstedvesterimiit Kalaallit Nunaanni pinerluuteqarsimasunut Isumaginnittoqarfiup immikkoortuanut ammasumut nuunneqarnissaannut inatsisitigut tunngavissaqassasoq ilimagisariaqanngilaq.

Taavalu pinerluttulerinermik inatsimmi § 161, imm. 3 oqaaseqatigiit siulliit atorunnaarsinneratigut nakkutigineqartussatut eqqartuussat Parnaarussivimmit Herstedvesterimiit Kalaallit Nunaanni Pinerluuteqarsimasunut Isumaginnittoqarfiup immikkoortortaanut ammasumut nuunneqarnissaannut inatsisitigut tunngavissaarutissaaq.

Tamatumalu saniatigut ilimagineqartariaqanngilaq isertitsivimmi ammasumiittussatut eqqartuussat Nuummi nakkutigineqartussanut isertitsivittaassamut nuutinneqarnissaat eqqarsaatigalugu pinerluttulerinermik inatsimmi tunngavissaqartoq.

Taamaammat siunnersuutaavoq nakkutigineqartussatut eqqartuunneqarsimasut matuma siuliini taaneqareersut nuunneqarnissaat siunertaralugu immikkut piginnaaniliisoqassasoq.

Taamaammat *imm. 1–imi oqaaseqatigiit siullertut* siunnersuutigineqarpoq justitsministerip imaluunniit ministerip taamaaliornissamik piginnaaniliigaata aalajangersinnaagaa, inuit pinerluttulerinermik inatsimmi § 148, imm. 3, imaluunniit § 161, 2-mit 4-mut malittarisassat maannamut atuuttut malillugit eqqartuunneqarsimasut imaluunniit Danmarkimi Pinerluuteqarsimasunik Nakkutilliviup ataani inissiisarfimmut tarnit nakorsaannik

aqunneqartumut inissinneqarsimasut, nuutsinneqarsinnaasut Kalaallit Nunaanni Pinerluuteqarsimasunik Nakkutilliiviup ataani tigummissasanut immikkoortumut nuutinneqarsinnaasut.

Imm. 1-imi oqaaseqatigiit aappaatigut siunnersuutigineqarpoq tigummissassatut eqqartuunneqartut Kalaallit Nunaanni tigummissassanut immikkoortorta qarfirmut nuutitsineq pisinnaasoq pineqartup akuersineratigut aatsaat.

Siunnersuut kinguneqassaaq, pineqartut namminneq toqqarsinnaagaat Danmarkimut Kalaallit Nunaannulluunniit inissinneqarnissartik kissaateqarnermikkut.

Siunnersuut kinguneqassaartaaq, Kalaallit Nunaannut nuutsinneqarsinnaanissaq periarfissaritinneqartuutut isigineqassamat, t.i. inuit pineqartut aallaqqaammut toqqarsinnaagaat Herstedvesterimi Parnaarus-sivimmi inissisimanissartik aatsaallu kingusinnerusukkut Kalaallit Nunaannut nuutsitaanissartik.

Aamma imm. 2-mi oqaaseqatigiit siullertut siunnersuutigineqarpoq, justitsministerip imalunniit ministerip tamaaliornissamik piginnaanili-gaata aalajangersinnaagaa, inuit pinerluttulerinermik inatsimmi § 148, imm. 3-mi imalunniit § 161, imm. 2-mit 4-mi malittarisassat maannamut atuuttut malillugit eqqartuunneqarsimasut imaluunniit Danmarkimi pinerluuteqarsimasunut isumaginnittoqarfimmu atsumi tarnip pissusaanik ilisimasalinnik aqunneqartumut isertitsivimmu nuunneqartussat, Kalaallit Nunaanni Pinerluuteqarsimasunik Isumaginnittoqarfiup immikkoortortaanut nuunneqassasut, tamanna siunertamut iluaqutaalluni naleqqut-tut imalunniit isumannaatsuunissamut tulluuttuusutut isigineqassapat.

Kalaallit Nunaanni inissiisarfimmi immikkoortortamut ammasumut nuutsitsinissamut piumasaqaatit eqqarsaatigalugit aallaqqaammut siunertaatulli § 161, imm.3-mi oqaaseqatigiit siullianni aalajangersakkamut atuuttumut allannguinnissamik siunniussaartoqanngilaq.

Taasariaqarporli aalajangersakkami atuuttumi nuutsitsinerup inatsisitigut isumannaatsuunissamik isumaginninnermut naapertuuttuunissaanik piumasaqaat, nutaatut allannguutissatut siunnersuummik allanngortinneqarmat, nuutsitsineq isumannaatsuunissamik isumaginnittoqassasoq. Tamatumuuna erseqqissarneqarpoq tamanut atuuttumik isumannaatsu-

nissamik isumaginninneq pineqartoq, tassunga ilagitillugu inissitaasup pinerloqqinnginnissaanik isumaginninneq pingaartutut isumagineqartoq.

Tassa imaappoq Kalaallit Nunaanni inissiisarfimmi immikkoortortamut ammasumut nuutsitsinermi piunasaqaataassasoq nuutitsineq siunertamut iluaqutaassasoq isumannaatsuutitsinissamillu isumaginninnermut naleq-qutissalluni. Piunasaqaatikku tamatumunnga malugeqqunneqarpoq iperagaajartornissamik aqqissuussineq salliutillugu atussasoq inissitanut piffissap siviluallaanngitsup iluani misiligummik iperagaagallagaasin-naasussanut.

Siunnersuutigineqarportaaq *imm. 2-mi oqaaseqatigiit aappaat* nutaaq ivertinneqassasoq, taanna aalajangersaasoq inissitaasoq tamatuma kingorna immikkoortortami ammasumi inissisimassalluni naleqqutinngit-soq, imaluunniit inissiineq taanna naammattumik isumannaatsitsi-suunngitsoq, Justitsministerip imaluunniit tamatumunnga piginnaanili-gaata, aalajangersinnaavaa, inissitaq taanna Kalaallit Nunaanni Pinerlut-tunik Nakkutilliiviup ataani tigummisassanut immikkoortortamut inissin-neqassasoq.

Tigummisassanut immikkoortortamut nuutsitsinermut piunasaqaatit paasineqassapput § 161, *imm. 3-mi oqaaseqatigiit aappaanni* atuuttumi Danmarkimut utertitsinermut piunasaqaatituulli.

Utertitsisoqarnissaa pinngitsoorneqarsinnaanngitsutut isigineqaraangat isertinneqartut nakkutigineqartussat immikkoortuannut utertitsisoqarsin-naavoq, isertitsiviit ammasup iluani atugassarititat isertitsivimmiittussatut eqqartuussamut tulluanninneri pissutigalugit.

Aalajangersagassatut siunnersuutigineqartoq taanna isertinneqarsimasu-mut ulorianartorsiortitsisinnaasumut, isertitaqatiminik, sulisunik isertitsi-vimmiluunniit allanut, kiisalu qimaasoqarsimatillugu imaluunniit taama-tut misilooqarsimatillugu atuutilersinneqarsinnaagalarpoq.

Aamma isertitsivimmiittumut isertitsivimmi pissutsit atugassarititat isumannaatsuunissaasa illorsorneqarsinnaajunnaartutut isigineqaleraa-ngata aalajangersagaq taanna atuutilersinneqarsinnaassaaq. Tamatumanili eqqaamaneqassaaq Kalaallit Nunaanni Pinerluuteqarsimasunut Isumagin-nittoqarfimmi oqartussaasut, inissiisarfimmi atugassarititanik allanngor-titsilinnginnermi nakkutigisassat immikkoortortaannut utertitsinissamik apeqqummut isummertussaammata.

Aamma *Imm. 3-mi* siunnersuutigineqarpoq eqqartuussiviup aalajangersinnaagaa inuit pinnerluttulerinermik inatsimmi aalajangersagaagallartumi § 161, imm. 1 malillugu tigummissassatut eqqartuunneqartut, tigummissassatut nuutinneqarsimasut, nuutsinneqassasut Kalaallit Nunaanni Pinerluttunik nakkutilliiviup ataani tigummissassanut immikkoortortamut, immikkoortortami ammasumi inissitaaneq naammattumik isumannaatsuunngitsutut nalilerneqarpat.

Tigummissassanut immikkoortumut nuutsitsinermut piumasaqaataavoq, immikkoortortamut ammasumut inissiineq naammattumik isumannaatsuunngitsutut paasinarsisimasoq. Tamanna aalajangersakkami atuuttumi § 161, imm. 4-mi oqaaseqatigiit siulliat naapertorlugu Danmarkimut utertitsinermi piumasaqaatit oqaasertalersugaanerannut assinguvoq.

Nuutsitsinissaq pisariaqartutut isigineqaraangat inissitat tigummissassatut immikkoortortamut nuutsinneqarsinnaapput, inissitat inissiisarfimmi ammasumik aaqqissukkami killigititanut inissaqartinneqannginneri pissutigalugu.

Aalajangersagassatut siunnersuutigineqartoq atuussinnaaffeqassaaq, soorlu pisuni inissitaasup pissusilersornini tunngavigalugu isumannaatsunissamik inissisimaqatiminut, sulisunut imalunniit inissiisarfimmiittunut allanut navialisitsinnaasutut ittuusoq, aamma pisuni inissitaq qimaasimasoq taamaliulersaarsimasorlunniit.

Aamma isertitsivimmiittumut isertitsivimmi pissutsit atugassarititat isumannaatsuunissaasa illorsorneqarsinnaajunnaartutut nalilerneqaraangata aalajangersagaq taanna atuutilersinneqarsinnaassaaq. Tamatumanili eqqaamaneqassaaq Kalaallit Nunaanni Pinerluuteqarsimasunut Isumaginnittoqarfimmi oqartussaasut, inissiisarfimmi atugassarititanik allangortitsilinnginnermi nakkutigisassat immikkoortuannut utertitsinissamik apeqqummut isummertussaammata.

Imm. 4-mi siunnersuutigineqarpoq, justisministeri nuutsitsisarneq pillugu erseqqinnerusunik malittariassaliussasoq imm. 1 aamma 2 malillugit. Tamakununga atatillugu piumasaqaataavoq, ilaatigut malittarisassalior-toqassasoq nuutsitsisarnermut suliasat pillugit, matumani ilanngullugu - § 4, imm. 2, oqaaseqatigiit siulliit naapertorlugit nuutitsinissaq pillugu aalajangiisoqartinnagu – Rigsadvokatip oqaaseqaataanik pissarsinissaq. Nuutsitsisarnerit § 4, imm.1-imi aalajangersagassatut siunnersuutigine-

qartut eqqarsaatigalugit piumasarineqarpoq, malittarisassanik aalajangersaasoqassasoq akuersinermik pissarsinissaq pillugu aamma akuersinermiit nuutsitsinerup naammassinissaata tungaanut piffissaq qanoq sivistigissanersoq.

Innersuussutigineqarpoq inatsisissatut siunnersuummi oqaaseqatigiinni nalinginnaasuni imm. 3.4

Inatsisissatut siunnersuutip inatsimmut atuuttumut naleqqiunnera

Atuuttup oqaasertalerner

Inatsisissatut siunnersuut

§ 1

Kalaallit Nunaanni eqqartuussisarnermik inatsimmi, tak, inatsimmiq nalunaarut nr. 1581 13. december 2016-meersaq, inatsimmi nr. 149,-mi 7. februar 2017-meersumi § 1-kut allanngortinneqartumi. Allanguutit makkua ivertinneqassapput:

§ 370. Tigusaq parnaarunneqassaaq imaluunniit isertitsivimmut inissinneqassaaq, § 361 naapertorlugu annikitsumik akuliunnissaq pillugu qanoq iliuusissanik eqqartuussivik aalajangiisimangippat imaluunniit § 371 naapertorlugu Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aquneqartumut inissiisimangippat.

Imm. 2.---

Imm. 3.---

§ 371. Eqqartuussiviup aalajangersinnaavaa tigusaq Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aquneqartumut inissinneqassasoq, pissutissaqartumik pasitsaanneqarpat toqutsisimasoq, tillinniarsimasoq, nammineersinnaajunnaarsitsisimasoq, sakkortuumik persuttaasimasoq, siorasaarinernillu pinerluttulerinermik inatsimmi § 98-mi taaneqartutut

1.

§ 370, imm. 1-mi piissaaq »imaluunniit Danmarkimi pinerluuteqarsimasunik nakkutilliiviup ataani tarnit nakorsaannik aquneqartumut inissiisarfimmut inissinneqassallutik § 371 malillugu«.

2. §§-t 371 aamma 372 atorunnaassapput.

iliuuseqarsimasoq, pinngitsaaliisimasoq imaluunniit kinguaassiuutitigut sakkortuumik pinerluuteqarsimasoq imaluunniit ikuallatsitsisimasoq imaluunniit inatsisinik unioqqutitsinerit taakkua arlaannik pinerloriarsimasoq, aamma 1) tigusap qanoq issusianik paasissutissat aalajangivissumik pissutissaqarsorinassappata, tigusaq § 361 naapertorlugu tarnimigut sanngeequteqarnera pissutigalugu annikitsumik akuliunnissaq pillugu qanoq iliuuseqarfiginissaanut

naleqqutinngitsoq imaluunniit § 370 naapertorlugu inissinneqarsinnaasoq imaluunniit 2) tigusap qanoq issusianik paasissutissat aalajangiisumik pissutissaqarsorinassappata § 361 naapertorlugu annikitsumik akuliunnissaq pillugu qanoq iliuuseqarnikkut imaluunniit § 370 naapertorlugu inissiineq isumannaatsuutitsinermik kinguneqarnaviangitsut.

Imm. 2 Inunnut il.il. Danmarkimi pinerluuteqarsimasunik nakkutilliiviup ataani inissiisarfimmut tarnit nakorsaannik aqunneqartumut tigungmineqartut pillugit aneersinnaatitaneq pillugu akuersissuteqartarnerup nalunaarutigineqartarnera pillugu Justitsministeri malittarisassiorsinnaavoq, tamanna pillugu siornatigut iliuuseqartoqarsimangippat. Tamatumunngalu atatillugu Justitsministerip aalajangersinnaavaa, malittarisassat taakkua naapertorlugit aalajangersakkat oqartussaasunut qulliunerusunut suliassanngortinneqarsinnaangitsut.

§ 372. § 371 naapertorlugu inis-

siinissamik eqqartuussiviup aalajangiinera immikkut ittumik aalajangiinikkut aalajangerneqassaaq. § 371 naapertorlugu eqqartuussivik inissii-nissamik aalajangiippat, eqqartuussisut aalajangiinermi pissuiviusut allasavaat, § 371-p eqqortinneqarneranik nalorninaallisitsisut.

Imm. 2. Eqqartuussiviup aalajangiinermi aalajangersassavaa inissiinerup sivisussusissaanut piffissaliussaq. Sapinngisaq naapertorlugu piffissaliussaq sivikitsuusariaqarpoq, § 364 imm. 1-mi aamma 2-milu aalajangersakkat naapertorlugit tigumminninermi piffissaliunneqartoq qaangerneqassanani. §§-t 363, imm. 2-4, 364, imm. 2 3-lu, 365, 366 aamma 368 taamatuttaaq atuutissapput.

Imm. 3. Justitsministerip §§ 372-372 nalunaarutikkut atorunnaarsissinnaavai.

§ 2

Kalaallit Nunaanni pinerluttulerinermik inatsimmi nr. 306, 30. april 2008-meersumi, inatsimmi nr. 735, 25. juni 2014-meersumi § 1-kut, inatsimmi nr. 103, 3. Febru-ar 2016-meersumi § 4-kut aamma inatsimmi nr. 149, 7. februar 2017-meersumi § 2-kut allanngortinneqartumi, makkua allanngortinneqassapput:

§ 148. ---

Imm. 2. Eqqartuussaq § 161, imm. 1-mi taaneqartunut ilaatinneqassappat eqqartuussiviup aalajangersinnaavaa tigummisassanngorlugu nuunneqassasoq, nuussinissaq § 234, imm. 1

1.

§ 148, imm. 2-mi “§ 161, imm. 1” ima allanngortissaaq: “§ 161”

naapertorlugu pisinnaanngippat.

Imm. 3. Eqqartuussaasoq § 161, imm. 2, tak. imm. 1-imut ilaatinneqassappat, eqqartuussiviup aalajangersinnaavaa, eqqartuussaasoq Danmarkimi pinerluttunik nakkutilliiviup ataani inissiisarfirmmut tarnit nakorsaannit aqunneqartumut nuutinneqassasoq, nuutitsineq § 234, imm. 1 malillugu pisinnaanngippat. § 161, imm. 3 tamatumuuna assinganik atuutsinneqarsinnaavoq.

Imm. 4. ---

§ 161. ---

Imm. 2. Pinerluttoq tarnip pissusi-atigut ajoqute-qarpat, pissuseq § 156, imm. 1-imi pineqartumit allaasumik, Kalaallit Nunaanni inissiisarfirmmut inissinneqarsinnaasutut naleqqutinnigitsutut isigineqarpat, pineqartoq eqqartuunneqarsinnaavoq Danmarkimi pinerluttunik nakkutilliiviup ataani inissiisarfirmmut tarnit nakorsannik aqunneqartumut piffissami killiligaanngitsumi inissinneqartussatut.

Imm. 3. Justitsministerip imaluunniit taassuma tamatumunnga piginnaati-taata, aalajangersinnaavaa, inuit imm. 2 malillugu Danmarkimi inissiisarfirmmut inissinneqartussatut eqqartuunneqarsimasut, Kalaallit Nunaanni inissiisarfirmmut nuutinneqassasut, isigineqarpat siunertamut naleqquttutut aamma inatsisitigut isumannaat-suunissamik isumaginninnermut naapertuuttutut. Eqqartuussaqaq Kalaallit Nunaanni inissiisarfirmmiinnissamut naleqqutinnigitsutut nalilerneqarpat,

2.

§ 148, imm. 3 atorunnaassaaq.

Imm. 4 3-ngussaaq.

3.

§ 161, imm. 2-5

atorunaassapput.

Justitsministerip aalajangersinnaavaa pineqartoq Danmarkimi inissiisarfimmut utertinneqassasoq.

Imm. 4. Eqqartuussiviup aalajangersinnaavaa, inuk § 161, imm. 1 malillugu tigummissassatut eqqartuunneqartoq Danmarkimi pinerluttunik nakkutilliiviup ataani inissiisarfimmut tarnit nakorsaannik aqunneqartumut nuutinneqassasoq, Kalaallit Nunaanni inissiisarfimmut inissiinsaqaq naammaginantumik isumanaatsutut isigineqanngippat. § 148, imm. 3, aamma § 161, imm. 3 assinganik atuuffeqarput.

Imm. 5. Justitsministerip nalunaarutikkut atuuk-kunnaarsissinnaavai §§ 148, imm. 3, aamma 161, imm. 2-mit 4-mut.

§ 241.---

Stk. 2.---

Stk. 3.---

Stk. 4.---

4. § 241-mut imm. 3-p kingornanut imm. nutaatut ivertinneqassapput:

”Imm. 4. Kalaallit Nunaanni pinerluttunik nakkutilliiviup siutuisa aalajangersinnaavaat, inissitaq § 161 malillugu immikkoortortamut ammasumut inissitassatut eqqartuunneqarsimasoq, tigummissassanut immikkoortortamut nuutinneqassasoq, immikkoortortami inissinneqarsimaneq nammaginantumik isumannaatsutut nalilerneqanngippat.

Imm. 5. Kalaallit Nunaanni pinerluttunik nakkutilliiviup siutuisa aalajangersinnaavaat, tigummissassatut immikkoortortamut inissitap immikkoortortamut nuutsinnissaa siunertamut naleqquttutut aamma naammattumik isumannaatsunissamik isumagin-

ninnermut naapertuussorinarpat. Tamatuma kingornatigut inissitaq immikkoortortami ammasumiinnissamut naleqqussorinangitsutut malunnarsippat, taamatullunniit inissiineq naammaginartumik isumannaatsuosorinanngippat, Kalaallit Nunaanni pinerluttunik nakkutilliiviup pisorataa aalajangersinnaavaa, inissitaq tigummissassat immikkoortuannut nuunneqassasoq”. Matuma kingorna imm. 4 imm. 6-ngussaaq.

§ 3

Inatsisip ulloq atulersinneqarfissaa Justitsministerip aalajangissavaa.

§ 4

Imm. 1. Justitsministerip ministrilluunniit taamaaliornissamik piginnaatitaata aalajangersinnaavaa, inuit pinerluttulerinermik inatsimmi § 148. imm. 3, imalunniit § 161, imm. 2-mit 4-mut malillugit eqqartuunneqarsimasut imaluunniit nuutinneqarsimasut Danmarkimi pinerluttunik nakkutilliiviup ataani inissiisarfimmut tarnit nakorsaanic aqunneqartumut inissitassatut, Kalaallit Nunaanni pinerluttunik nakkutilliiviup ataani tigummissassanut immikkoortortamut nuutinneqarsinnaapput.

Nuutitsineq pisinnaavoq taamaallaat pineqartut akuersissum-

mik pissarsereerneratigut.

Imm. 2. Justitsministerip ministerillunniit taamaaliornissamik piginnaatitaata aalajangersinnaavaa, inuit pinerluttulerinermik inatsimmi § 148, imm. 3, imaluunniit § 161, imm. 2-mit 4-mut malillugit eqqartuunneqarsimasut Danmarkimi pinerluttunik nakkutilliiviup ataani inissiisarfimmut tarnit nakorsaannik aqunneqartumut nuutsitassatut imaluunniit inissitassatut eqqartuunneqarsimasut, nuunneqassasut Kalaallit Nunaanni pinerluttunik nakutilliiviup ataani inissiisarfimmi immikkoortortamut ammasumut, tamanna siunertamut naleqqussorineqarpat naammaginartumillu isumannaatsunissamik isumaginninnermut naapertuussorinarpat. Inissitaq immikkoortortami ammasumiinnissamut naleqqussorinangippat, imalunniit taamatut inissineq naammaginartumik isumannaatsuosorinangippat, Justitsministerip, ministerillunniit taamaaliornissamik piginnaatitaata aalajangersinnaavaa inissitaq Kalaallit Nunaanni pinerluttunik nakkutilliiviup ataani inissiisarfimmi tigummisassanut immikkoortortamut nuutsinneqassasoq.

Imm. 3. Eqqartuussiviup aalajangersinnaavaa inuit pinerluttulerinermik inatsimmi §161, imm. 1 mi aalajangersagaq maannamut atuuttoq malillugu tigummisassatut eqqartuunneqarsimasut, Kalaallit Nunaannilu pinerluttu-

nik nakkutilliiviup ataani immikkoortortamut ammasumut inissinneqarsimasut, Kalaallit Nunaanni pinerluttunik nakkutilliiviup ataani tigummissassanut immikkoortortamut nuutsinneqassasut, immikkoortortami ammasumi inissitaasimaneq naamaginartumik isumannaatsuusorinangippat.

Imm. 4. Imm. 1 aamma imm. 2 malillugit nuutitsinerit pillugit malittarisassat Justitsministerip aalajangersassavai.



Dato: 16. august 2017
Kontor: Nordatlantenheden
Sagsbeh: KLU
Sagsnr.: 2016-490-0026
Dok.: 2392346

PINGAARNERSIUINEQ

Kalaallit Nunaanni pinerluttulerinermik inatsisip aamma Kalaallit Nunaanni eqqartuussiveqarneq pillugu inatsisip allanngortinneqarnissaat pillugu inatsisissatut siunnersuutissatut missiliuut (Inissiisarfinnut inissinneqartussatut il.il. eqqartuunneqartut)

1950-ikkuniilli inuit pinerluttulerinermik inatsit malillugu nakkutigineqarnissamut eqqartuunneqartartut nalilerneqartartullu isumannaatsuunisamut aarlerinartuusut, Danmarkimi inissinneqartarput, ilaatigut pissutigalugu Kalaallit Nunaanni inissiisarfiit naammaginartumik katsorsaanissamut neqerooruteqarsinnaanngimmata inunnullu immikkut navialisitsinnaasunut isumannaatsumik atortulersugaanngimmata.

Kalaallit Nunaanni Eqqartuussisarneq pillugu isumalioqatigiissitat 2004-mi innersuussutigaat Kalaallit Nunaanni nakkutilliinermut immikkoortotamik immikkut ittumik pilersitsisoqassasoq. Eqqartuunneqartut Danmarkimut inissinneqartarnerisa unitsinnissaanik kissaat aallaaveqarpoq eqqartuussanut isiginninnermik, tassunga atatillugu nunaminni inissiisarfinnut inissinneqartarnissaat najugarisartik ilaqquttatillu qanillillugit.

Ilaatigut tamanna tunngavigalugu Nuummi inissiisarfissaq nutaaq maanna sananeqarpoq. Inissiisarfissaq 2019-imi naammassillugu sananeqartussatut naatsorsuutigineqartoq, ilaatigut immikkut nakkutigisassanut inissiiviusinnaasumik matoqqasumik immikkoortortaqaassaaq.

Tamanna tunngavigalugu Justitsministereqarfik Kalaallit Nunaanni pinerluttulerinermik inatsisip aamma Kalaallit Nunaanni eqqartuussiveqarner-

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

mik inatsisip allannguutissaanik missiliutaasumik, matumuunalu ilanngul-
lugu nassiunneqartumik siunnersuusiorpoq.

Inatsisissatut siunnersuut tamatuma kingunerisaanik ilaatigut siunertaqar-
poq piginnaatitsinissamik, inuit pinerluttulerinermik inatsit malillugu Dan-
markimi nakkutigisassatut eqqartuunneqarsimasut imaluunniit nuutinne-
qarsimasut, Nuummi inissiisarfittaami inissinneqarsinnaanissaannik. Tas-
sunga atatillugu siunniunneqarpoq nuutsitsineq pisinnaasoq aatsaat pine-
qaatissinneqarsimasup pineqartup akuersineratigut.

Inatsisissatut siunnersuut siunertaqarportaaq pinerluttulerinermik inatsim-
mi aalajangersakkap nakkutigisassanngorlugit eqqartuussisarneq nuutita-
nilluunniit Danmarkimi pinerluuteqarsimasunik nakkutilliivimmut tarnit
nakorsaannit siulersorneqartumut inissiisarnerit unitsinniarlugit. Taamatut-
taaqaq inatsisissatut siunnersuummi Kalaallit Nunaanni eqqartuussiveqarneq
pillugu aalajangersakkat, Danmarkimi pinerluuteqarsimasunik isumagin-
nittoqarfiup ataani tarnip nakorsaanneranik aquunneqartumik tigummigal-
lakkanik inissiinissamut periarfissiissutaasut atorunnaarnissaat siunertari-
neqarpoq.

Inatsisissatut siunnersuut siunertaqarportaaq piginnaatitsinissamik nakkuti-
gisassatut eqqartuunneqartunik nuutitaasartut Kalaallit Nunaanni tarnit
nakorsaannit aquunneqartumi immikkoortortami ammasumi inissinneqar-
simasunik, Nuummi nakkutilliinermik immikkoortortaassamut nuussisin-
naalernissaq kiisalu kingorna immikkoortortamut ammasumut nuussi-
sinnaalernissaq.



Dato: 26. februar 2017
Kontor: Nordatlantenheden
Sagsbeh: Katarina Hvid Lundh
Sagsnr.: 2016-490-0026
Dok.: 2226003

OQAASEQAASERSUILLUNI TAKUSSUTISSIAQ

pillugu:

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaat pillugu inatsisissatut siunnersuutip (inissiisarfinnut inissinneqartussatut il.il. eqqartuunneqartut) tusarniaassutiginerani akissuteqaatit.

1. Tusarniaaneq

Inatsisissatut siunnersuummut missiliuut 20. december 2016-imiit 27. januar 2017-imut oqartussaasunut aamma kattuffinnut il.il. ukununga tusarniaassutigineqarpoq:

Nunatta Eqqartuussivia, Kalaallit Nunaanni Eqqartuussiviit, Domstolsstyrelsen, Rigsadvokaten, Rigspolitiet, Kalaallit Nunaanni Politimesteri, Direktoratet for Kriminalforsorgen, Kalaallit Nunaanni Pinerluuteqarsimasunik Isumaginiffik, Den Danske Dommerforening, Dommerfuldmægtigforeningen, Kredsdommerit Peqatigiiffiat, Foreningen af Offentlige Anklagere, Politiforbundet i Danmark, Kalaallit Nunaanni Politiit Peqatigiiffiat, Advokatrådet, Danske Advokater, Landsforeningen af Forsvarsadvokater, Nunatsinni Advokatit, Kalaallit Nunaanni Illersuisut Peqatigiiffiat, Institut for Menneskerettigheder, Amnesty International, Retspolitisk Forening, Fængselsforbundet, Faggruppen af Socialrådgivere i Kriminalforsorgen, Foreningen af institutionschefer og områdechefer, Kriminalforsorgsforeningen, Landsforeningen KRIM, Landsforeningen SIND aamma Landsforeningen af nuværende og tidligere psykiatribrugere.

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

Inatsisissatut siunnersuummut missiliuut aammattaaq 18. januar 2017-imiit 17. februar 2017-imut Namminersorlutik Oqartussanit oqartussaasunut, kattuffinnut il.il. makkununga tusarniaassutigineqarpoq:

Kalaallit Nunaanni Inuit Pisinnaatitaaffii pillugit Siunnersuisoqatigiit, Kalaallit Illuutaat, Kommuneqarfik Sermersooq, KANUKOKA, Kalaallit Nunaanni Isumaginninnermi Maalaaruteqartarfik, Dansk Psykologforening – Kalaallit Nunaanni Immikkoortortaarfik aamma Meeqqat Inuusuttullu Oqaloqatigiinnittarfiat (MIO) – Meeqqat Oqaaseqartartuat.

Justitsministeeriarip tusarniaanermut akissuteqaatit ukunnangga tiguai:

Kalaallit Nunaanni Eqqartuussiviit, Domstolsstyrelsen, Rigsadvokaten, Direktoratet for Kriminalforsorgen, Kalaallit Nunaanni Pinerluuteqarsimasunik Isumaginiffik, Foreningen af Offentlige Anklagere, Politiforbundet i Danmark, Advokatrådet, Nunatsinni Advokatit, Institut for Menneskerettigheder, Fængselsforbundet, Landsforeningen SIND, Inuit Pisinnaatitaaffiinnut Kalaallit Nunaata Siunnersuisoqatigiivi, KANUKOKA, Qeqqata Kommunia aamma Meeqqat Inuusuttullu Oqaloqatigiinnittarfiat (MIO) – Meeqqat Oqaaseqartartuat.

Ataani issuarneqarput tusarniaanermut akissuteqaatinit tiguneqartunit immikkoortut pingaarnerit.

Justitsministeeriarip tusarniaanermut akissuteqaatinut oqaaseqaatai uingasumik allataapput.

2. Tusarniaanermut akissuteqaatit

2.1. Nalinginnaasut

Kalaallit Nunaanni Eqqartuussiviit, Foreningen af Offentlige Anklagere aamma **Politiforbundet i Danmark** siunnersuut pillugu oqaaseqaateqanngillat.

Institut for Menneskerettigheder oqaaseqaatimini eqqaavaa, institut-ipsiusinnerusukkut isornartorsiorsimagaa, inuit pinerluttulerinermi inatsit naapertorlugu tigummineqartussat eqqartuussaasimasut, Herstedvesterimi Parnaarussivimmuut inissinneqartarnerat. Tamanna

tunuliaqutaralugu institut-ip pitsaalluinnartutut isigaa, tigummineqartussatut eqqartuussaasut siunissami Kalaallit Nunaanni inissinneqartalernissaat aamma tigummineqartussatut eqqartuussaasimasut Herstedvesterimi Parnaarussivimmut inissinneqarsimasut kissaatigigunikku Kalaallit Nunaannut nuutsinneqarnissaminnut periarfissaqalernissaat.

Advokatrådet taamatuttaaq isumaqarpoq pitsaasuusooq, tigummineqartussatut eqqartuussaasimasut Herstedvesterimi Parnaarussivimmut inissinneqarsimasut, Nuummi inissiisarfimmut nutaamut nuutsinneqarsinnaanerannut inatsitigut tunngavissiisoqarnera, nuutsitsinerlu tamanna taamaallaat pisinnaammat pineqartup akuersereerneratigut. Tamanna isigineqarpoq tassaasooq tigummineqartussatut eqqartuussaasimasut inatsitigut illersugaanerannik erseqqissumik pitsanngorsaaneq.

MIO-p (Kalaallit Nunaanni Meeqqat Oqaaseqartartuata) oqaatigaa, inatsisissatut siunnersuut meeqqanut inuusuttunullu, Herstedvesterimi Parnaarussivimmi inissinneqartussatut eqqartuussaasimasunik, inissinneqarsimasullu kissaatigippagu, Nuummi inissiisarfimmut nutaamut nuutsinneqarsinnaanerminnut maanna periarfissinneqartunik angajoqqaalinnut, annertuumik pingaaruteqartoq.

2.2. Tigummineqartussatut eqqartuussaasimasut Herstedvesterimi Parnaarussivimmiit Kalaallit Nunaannut nuutinneqarsinnaanerat

Advokatrådet, Institut for Menneskerettigheder, Kalaallit Nunaanni Inuit Pisinnaatitaaffii pillugit Siunnersuisoqatigiit aamma **Fængselsforbundet** isumaqarput pitsaasuusooq, Herstedvesterimi Parnaarussivimmiit Nuummi inissiisarfimmut nutaamut nuutsitsininissaq aatsaat pisinnaassammat tigummineqartussatut eqqartuussaasimasup akuersiteqqaarneratigut.

Advokatrådet aamma **Nunatsinni Advokatit** tamatumunnga atatillugu allapput, tigummineqartussatut eqqartuussaasimasup Nuummi inissiisarfimmut nutaamut nuutsitaanissaq, nammineq kissaatigiguniuk, inatsitigut pi-umasaqaatigisinnaasariaqaraa.

Institut for Menneskerettigheder aamma **Kalaallit Nunaanni Inuit Pisinnaatitaaffii pillugit Siunnersuisoqatigiit** aammattaq inassutigaat, tigummineqartussatut eqqartuussaasimasup Nuummi inissiisarfimmut nutaamut nuutsinneqarnissaminik aalajangernermi peqqissimissutiginnissaa

periarfissaqarfigisariaqaraa. Tassunga atatillugu **Landsforeningen SIND-**ip eqqaavaa, erseqqissumik allassimasariaqartoq, nuutsinneqarnissamik akuersineq peqqissimissutigineqarsinnaassanersoq, taamaalillunilu tigummineqartussatut eqqartuussaasimasoq Danmarkimut uteqqissinnaanersoq.

Justitsministeriap maluginiarpaa, tusarniaaffigisat arlaqartut isumaqatigimmassuk tigummineqartussatut eqqartuussaasimasoq Kalaallit Nunaanni inissiisarfimmut taamaallaat nuutsinneqarsinnaasoq pineqartup akuersissuteqareerneratigut (inatsisissatut siunnersuummi § 4, imm. 1).

Soorlu inatsisissatut siunnersuummut nalinginnaasumik oqaaseqaatini allaqqasoq, tak. imm. 3.4.1, inatsisissatut siunnersuutip nassatarissavaa, inuit pineqartut nammineq toqqarsinnaammassuk, Danmarkimiit Kalaallit Nunaannut nuutsinneqarnissartik kissaatiginerlugu. Tamatuma kingunerissavaa pineqartut Nuummi inissiisarfimmut matoqqasumut nutaamut nuutsinneqarnerat, pineqartut nuutsinneqarnissaminnik akuersissuteqarpata. Taamaalilluni tigummineqartussatut eqqartuussaasimasup nammineq toqqassavaa Kalaallit Nunaannut nuutsinneqassanerluni, inatsisissatullu siunnersuummi siunniunneqanngilaq nuutsinneqarnissaq itigartitsissutigineqarsinnaassasoq, tigummineqartussatut eqqartuussaasimasup nammineq nuutsinneqarnissani kissaatigippagu.

Kalaallit Nunaannut nuutsinneqarnissamut periarfissaq ataavartumik neqeroorutitut isigineqassaaq, imaappoq pineqartup aallaqqaammut toqqarsinnaavaa Herstedvesterimi Parnaarussivimmiiginnarumanerluni, kingusinnerusukkullu aatsaat Kalaallit Nunaannut nuutsinneqarluni. Tassunga atatillugu inatsisissatut siunnersuummut nalinginnaasumik oqaaseqaatit innersuunneqarput, tak. imm. 3.4.1.

Kisianni tigummineqartussatut eqqartuussaasimasoq Kalaallit Nunaanni inissiisarfimmut nooreeruni, Herstedvesterimi Parnaarussivimmut uteqqinnissaa periarfissaqanngilaq. Justitsministeriap tamatumani pingaartippaa pineqartoq – nammineq kissaatigisani naapertorlugu piffissamilu pineqartup nammineq toqqagaani – Herstedvesterimi Parnaarussivimmiit Kalaallit Nunaanni inissiisarfimmut nuutsinneqartussaammat. Taama pisoqartillugu Justitsministeriap paasinninnera naapertorlugu Danmarkimut uteqqinnissaq periarfissaasariaqanngilaq.

Direktoratet for Kriminalforsorgen-ip eqqaavaa, nalileramikku tigummineqartussatut eqqartuussaasimasut maanna Herstedvesterimi Parnaarussivimmiittut affaasa missaat Danmarkimiiginnarnissaminnik kissaateqartut, tamatumalu kinguneraa Herstedvesterimi Parnaarussivimmi inissat 12-t missaat ataannassammata.

Direktoratet for Kriminalforsorgen-imit tusarniaarnermut akissuteqaatip kinguneraa, inatsisissatut siunnersuummut nalinginnaasumik oqaaseqaatini, tak. imm. 4, erseqqissarneqarmat, tigummineqartussatut eqqartuussaasimasut maanna Herstedvesterimi Parnaarussivimmiittut qassit Danmarkimiiginnarnissaminnik kissaateqarnersut nalorninarartoqartoq. Direktoratet for Kriminalforsorgen-ip tigummineqartussatut eqqartuussaasimasut affaasa missaasa taama kissaateqarnerannik naliliinera innersuullugu, allanneqarpoq Herstedvesterimi Parnaarussivimmi inissat ilaat attatiinnartitariaqassasut, tamatumalu aningaasartuuteqarneruneq kingunerissagaa. Aningaasartuutaanerusut taakku Justitsministeriap sinaakkutigisaasa pioreersut iluannit tiguneqassapput.

Advokatrådet, Institut for Menneskerettigheder, Nunatsinni Advokatit aamma **Landsforeningen SIND** inassuteqarput, aammattaaq akuersissuteqaqqaarnissaq piumasaasariaqartoq, Herstedvesterimi Parnaarussivimmiit Kalaallit Nunaanni inissiisarfimmumut ammasumut nuuttoqassatillugu. Tassunga tunngatillugu **Advokatrådet** aamma **Institut for Menneskerettigheder** allapput, Kalaallit Nunaanni inissiisarfimmumut nuuttoqassatillugu akuersitiseeqqaarnissami mianerisariaqartut tunngaviit aammattaaq atuummata inuk Kalaallit Nunaanni inissiisarfimmumut ammasumut nuunneqassatillugu.

Tassunga atatillugu Justitsministeriap eqqaassavaa, pinerluttulerinermi inatsimmi § 161, imm. 3, naggatit siullianni aalajangersagaq atuuttoq naapertorlugu, Danmarkimiit Kalaallit Nunaannut nuutsitsisoqarsinnaammat, tamanna siunertamut naapertuuttut isigineqarpat inatsisitigullu isumannaatsuunissap mianerinissaanut akerliunngippat.

Inatsisissatut siunnersuummut nalinginnaasumik oqaaseqaatini allassimasutut, tak. imm. 2.2, aalajangersakkap siunertarivaa Kalaallit Nunaanni inissiisarfimmumut ammasumut iperagaajartuaarnermut ilaasumik nuutsinneqarnissamut periarfissiinissaq. Tamatumani piumasarineqanngilaq

*pinegartup inissiisarfimmut ammasumut nuutsinneqarnissaminik akuersis-
suteqaqqaarnissaa.*

*Pinerluttulerinermi inatsimmi § 161, imm. 3, naggatip siulliup atorun-
naarsinneratigut, tigummineqartussatut eqqartuussaasimasunik Hersted-
vesterimi Parnaarussivimmiit Kalaallit Nunaanni Pinerluuteqarsimasunik
Isumaginniffiup ataani inissiisarfimmut ammasumut nuutsitsinissaq inatsi-
sitigut tunngavissaarutissaaq, tak. inatsisissatut siunnersuummut nalingin-
naasumik oqaaseqaatini imm. 3.4.2.*

*Soorlu inatsisissatut siunnersuummut nalinginnaasumik oqaaseqaatini al-
laqqasoq, tak. imm. 3.4.2, Justitsministeriap paasinninnera
naapertorlugu tigummineqartussatut eqqartuussaasimasut,
Herstedvesterimi Parnaarussivimmiiginnarnissaminik toqqaasut,
Kalaallit Nunaanni inissiisarfimmut ammasumut nuutsinneqarsinnaanerat
allaffissornikkut periarfissaqartariaqarpoq, tigummineqarnermiit
iperagaajartuaarnermut ilaatillugu.*

*Tamanna tunuliaqutaralugu inatsisissatut siunnersuummi § 4, imm. 2,
naggammi siullermi siunnersuutigineqarpoq, justitsministeri imaluunniit
ministerip taamaaliornissamut pisinnaatitaa, aalajangiisinnaatitaassasoq,
inuit Danmarkimi pinerluuteqarsimasunik isumaginniffiup ataani inis-
siisarfinni tarnip nakorsaanik aqutarineqartuni tigummineqartussatut
taakkunungaluunniit nuutsinneqartussatut eqqartuussaasimasut,
Kalaallit Nunaanni Pinerluuteqarsimasunik Isumaginnittoqarfiup ataani
inissiisarfimmut ammasumut nuutinneqassasut, tamanna siunertamut
naapertuuttutut isigineqarpat inatsisitigullu isumannaatsuunissap
mianerinissaanut akerliunngippat.*

*Soorlu inatsisissatut siunnersuummut nalinginnaasumik oqaaseqaatini
ersittoq, tak. imm. 3.4.2., piunasaqaat tamanna aqutigalugu ersersin-
neqarpoq, tigummineqarnermiit iperagaajartuaarnermik aaqqissuussineq
salliutillugu atortariaqarpoq, tigummineqartunut piffissap sivikinnerusup
iluani misiligummik iperagaasinnaasutut isigineqartunut.*

*Justitsministeriap isumaa naapertorlugu iperagaajartuaarnermik
aaqqissuussinerup atuuttup allannortinnissaa tunngavissaqaanngilaq,
tigummineqartussatut eqqartuussaasimasup Kalaallit Nunaanni
iperagaajartuaarnissaq siunertaralugu nuutsinneqarnissaminut
akuersiteqaqqaarnissaanik piunasaqaatip eqqunneratigut.
Justitsministeriap taamaalilluni pingaartippaa matumani - § 4, imm. 1-*

imi siunnersuutigineqartut, tassalu Kalaallit Nunaanni tigummineqarluni inissiisarfimmut nuutsinneqarnissap – akerlianik pineqarmat Kalaallit Nunaanni inissiisarfimmut ammasumut nuutsinneqarneq, tigummineqarnermiit iperagaajartuaarnermut ilaasoq, imaappoq annikinnerusumik akulersuuffiusumik inisseeriaaseq pineqarluni. Taama pisoqartillugu Justitsministeeriap paasinninnera naapertorlugu siunertamut naapertuunnerujuassaaq, Kalaallit Nunaannut nuutsitsisoqarsinnaappat, tigummineqartussatut eqqartuussaasimasup tamatumunnga akuersissuteqaqqaarnissaanik piunasaqaatitaqanngitsumik.

2.3. Kalaallit Nunaata iluani nuutsitsinerit

Kalaallit Nunaanni Inuit Pisinnaatitaaffii pillugit Siunnersuisoqatigiit silatusaarnertut isigivaat, Kalaallit Nunaanni Pinerluuteqarsimasunik Isumaginnittoqarfiup Aqutsisuisa Kalaallit Nunaata iluani inissiisarfinnit ammasuniit matoqqasunut aamma matoqqasuniit ammasunut nuutsitsinerit pillugit aalajangiisinnaatitaanerat.

Kalaallit Nunaanni Pinerluuteqarsimasunik Isumaginnittoqarfik isumaqarpoq, maanna Kalaallit Nunaanni tigummineqartussatut eqqartuussaasimasut (eqqartuussivimmit inissiisarfinnut ammasunut inissinneqarsimasut) nuutsinnissaasa aalajangiiffiginnissaannut pisinnaatitaaffik aammattaq Kalaallit Nunaanni Pinerluuteqarsimasunik Isumaginnittoqarfiup Aqutsisui nut isumagisassanngortittariaqartoq, ilaatigut pissutigalugu Kalaallit Nunaanni Pinerluuteqarsimasunik Isumaginnittoqarfiup Aqutsisui maanna tigummineqartussatut eqqartuussaasimasut Kalaallit Nunaata iluani inissinnissaat nuutsinnissaallu pillugit aalajangiinissamut pisinnaatitaaffeqarmata. Aammattaq Kalaallit Nunaanni Pinerluuteqarsimasunik Isumaginnittoqarfiup Aqutsisui tigummineqartussatut eqqartuussaasimasunik ataasiakkaanik nalilersuisinnaapput, taamaalillunilu Nuummi inissiisarfiup nutaap atulerneraniit siunertamut naapertuunnerpaamik tigummineqartussatut eqqartuussaasimasut pineqartut inissinneqarsinnaalissammata. Tassunga atatillugu Kalaallit Nunaanni Pinerluuteqarsimasunik Isumaginnittoqarfiup oqaatigaa, Nuummi inissiisarfiup nutaap atulerneratigut inissiisarfiit pioreersut ammasunngortinneqassammata, taamaalilluni maanna aqutsineq ammarneqassalluni, aallaqqaataaniilli takorloorneqarsimasutut.

Pinerluttulerinermi inatsimmi § 194-ip nassataraa, Kalaallit Nunaanni Pinerluuteqarsimasunik Isumaginnittoqarfiup Aqutsisui Kalaallit

Nunaanni inissiisarfinnut inissinissaq taakkualu akornanni nuutsitsinerit pillugit aalajangiisarmata. Aalajangersagaq aammattaaq atuuppoq Kalaallit Nunaanni tigummineqartussatut eqqartuussaasimasut inissinnissaannut nuutsinnissaannullu atatillugu, tak. pinerluttulerinermi inatsimmi § 241, imm. 1.

Tigummineqartussatut eqqartuussaasimasut Danmarkimi inissinneqartarnerat pillugu aalajangersakkat atuuttut pinerluttulerinermi inatsimmi § 161-imiipput. Tassani ersippoq Danmarkimi inissinissaq, tak. § 161, imm. 2, imaluunniit kingusinnerusukkut Danmarkimut nuutsitsinissaq, tak. § 161, imm. 4, eqqartuussivimmit aalajangerneqassasut. Taamaalilluni Kalaallit Nunaanni Pinerluuteqarsimasunik Isumaginnittoqarfiup Aqutsisui, tigummineqartussatut eqqartuussaasimasup Danmarkimut inissinneqarnissaanik imaluunniit Kalaallit Nunaanni inissiisarfimmu ammasumut inissinneqarnissaanik aalajangiinissamut pisinnaatitaaffeqanngillat.

Soorlu inatsisissatut siunnersuummut oqaaseqaatini nalinginnaasuni allassimasoq, tak. imm. 3.2, Justitsministeria isumaqarpoq pinerluttulerinermi inatsimmi § 194-imik aallaaveqarneq naapertorlugu - Kalaallit Nunaanni Pinerluuteqarsimasunik Isumaginnittoqarfiup Aqutsisui tassaasariaqartut Kalaallit Nunaanni tigummineqartussatut eqqartuussaasimasut inissinnissaat pillugu aalajangiisuusut.

Justitsministeria aammattaaq isumaqarpoq - Pinerluttulerinermi inatsimmi § 194-imik aallaaveqarneq naapertorlugu - Kalaallit Nunaanni Pinerluuteqarsimasunik Isumaginnittoqarfiup Aqutsisui tassaasariaqartut, Kalaallit Nunaata iluani nuutsitsinissamik aalajangiisuusut, tak. Inatsisissatut siunnersuummut nalinginnaasumik oqaaseqaatini imm. 3.3.1 aamma 3.3.2.

Soorlu inatsisissatut siunnersuummut nalinginnaasumik oqaaseqaatini imm. 3.4.3-mi ersittoq, maannakkorpiaq tigummineqartussatut eqqartuussaaniikut ikinnerusut Kalaallit Nunaanni isertitsivinni immikkoortotaqarfimmi ammasumi inisseqqapput. Inuit taakku Kalaallit Nunaanni immikkoortotaqarfimmut ammasumut eqqartuussivimmit inissitaapput, pinerluttulerinermi inatsimmi maanna atuuttumi § 161, imm. 1 naapertorlugu.

Kalaallit Nunaanni isertitsivimmi immikkoortotaqarfimmi ammasumi inissinissaq eqqartuussiviup aalajangingarimmagu, Justitsministeria

isumaa naapertorlugu aammattaaq eqqartuussivik pisariaqalerfiatigut tassaasariaqarpoq kingusinnerusukkut immikkoortorta qarfimmu nakkutilliivimmu nuutsitsinissamik aalajangiisuusoq (tak. § 4, imm. 3-mi aalajangersagassatut siunnersuutigineqartoq).

Taamaalilluni taamatut immikkut pisoqarnerani Justitsministeriap isumaa naapertorlugu tunngavissaqarluarpoq, eqqartuussiviup - Kalaallit Nunaanni Pinerluuteqarsimasunik Isumaginnittoqarfiup Aqutsisui pinnatik – nuutsitsinissamik aalajangiisuunissaa.

Tamatumunnga ilassutigitillugu oqaatigineqassaaq, Justitsministeria peqqutissaqarsimammat ilaatigut inatsisissatut siunnersummi § 4, imm. 3-mut oqaaseqaatini (Kalaallit Nunaanni isertitsivinni inunnik immikkoortorta qarfinnut ammasunut inissinneqarsimasunik Kalaallit Nunaanni immikkoortorta qarfinnut nakkutilliiviusunut nuutsitsineq pillugu) erseqqissassallugu, aalajangersagaq assersuutigalugu atorineqarsinnaasoq, isertitsiviup illutai ima allanngortinneqarpata, isumannaallisaanikkut illersorneqarsinnaasutut isertitsivimmiititsiinnarnissaq isigineqarsinnaajunnaarluni. Tassunga atattillugu naatsorsuutigineqarpoq, immikkoortortamut nakkutilliivimmu nuutsitsinissaq pillugu apeqqut, eqqartuussivimmu saqqummiunneqassasoq, isertitsiviup illutaanik allanngvineq pilersinnagu. Aammattaaq ataani imm. 3 innersuunneqarpoq.

2.4. Maalaarsinnaatitaaneq

Institut for Menneskerettigheder inassuteqarpoq, Kalaallit Nunaanni Pinerluuteqarsimasunik Isumaginnittoqarfiup Aqutsisuisa, immikkoortorta qarfimmit ammasumiit immikkoortorta qarfimmu nakkutilliiviusumut utertinneqarnissamik aalajangiinerisa maalaarutiginiissaannut periarfissamik pilersitsisoqassasoq. Aammattaaq institut-ip inassutigaa, immikkoortorta qarfimmit ammasumiit immikkoortorta qarfimmu nakkutilliiviusumut nuutsinneqarnissamik justitsministerip tamatumani pisinnaatitaata aalajangiineri, allaffissornikkut oqartussaasumut allamut ingerlateqqinneqarsinnaassasut.

KANUKOKA-p inassutigaa eqqarsaatigineqassasoq, pinerluttulerinermi inatsimmi § 246, eqqartuussivimmi misiliisitsinissamut tunngasoq, allanngortinneqassanersoq, taamaalillunilu pineqaatissiinermik allanngvineq pillugu Kalaallit Nunaanni Pinerluuteqarsimasunik Isumaginnittoqarfiup

Aqutsisuisa aalajangiinerat eqqartuussivimmut - aalajangersagaq taaneqartoq naapertorlugu - saqqummiunneqarsinnaangortinneqarluni.

Pinerluttulerinermi inatsimmi § 245, imm. 3-mi ersippoq, pinerluttulerinermi inatsit naapertorlugu Kalaallit Nunaanni Pinerluuteqarsimasunik Isumaginnittoqarfiup Aqutsisunit aalajangiinerit, allaffissornikkut oqartussaasunut allanut maalaarutigineqarsinnaanngitsut.

Pinerluttulerinermi inatsisip pilinnginnerani Eqqartuussiveqarneq pillugu Ataatsimiititaliarsuup eqqarsaatiginikuu, Kalaallit Nunaanni Pinerluuteqarsimasunik Isumaginnittoqarfiup Aqutsisuisa aalajangiineri pillugit maalaarutit Direktoratet for Kriminalforsorgen-imut saqqummiunneqarsinnaassanersut. Ilaatigut suliani aalajangersimasuni maalaarutit danskit oqartussaasunit Kalaallit Nunaanni pissutsinik ilisimasaqanngitsumit inaarutaasumik aalajangiiffigineqannginnissaat eqqarsaatigalugu, Ataatsimiititaliarsuaq isumaqarpoq, Kalaallit Nunaanni Pinerluuteqarsimasunik Isumaginnittoqarfiup Aqutsisuisa aalajangiineri tassaassasut inaarutaasumik aalajangiinerit (Ataatsimiititaliarsuup Kalaallit Nunaanni eqqartuussiveqarneq pillugu isumaliutissiissutaa, atuagaq 3, (qallunaa-tuaani) qup. 1123-1125).

Tamanna tunuliaqutaralugu Justitsministeeria isumaqarpoq, pinerluttulerinermi inatsisip, Kalaallit Nunaanni Pinerluuteqarsimasunik Isumaginnittoqarfiup Aqutsisuisa aalajangiinerisa allaffissornikkut oqartussaasumut allanut maalaarutigineqarsinnaannginnerinik aallaavigisaata, allanngortinnissaa peqqutissaqanngitsaq.

Eqqartuussivimmi misiliititsinissaq pillugu apeqquummut tunngatillugu oqaatigineqassaaq, pinerluttulerinermi inatsimmi § 246, imm. 1, Kalaallit Nunaanni Pinerluuteqarsimasunik Isumaginnittoqarfiup Aqutsisuisa aalajangiinerisa ilaannik eqqartuussivimmi misiliititsinissamut immikkut periarfissiimmat. Aalajangersagaq pinerluttulerinermi inatsimmut ivertinneqarpoq Eqqartuussiveqarneq pillugu Ataatsimiititaliarsuup siunnersuutaa naapertorlugu.

Ataatsimiititaliarsuaq isumaqarpoq allaffissornikkut inaarutaasumik aalajangiinerit aalajangersimasut inatsisip tunngaviusup § 63-iani nalinginnaasumik misiliititsinissamut periarfissiissutaasumit ajornannginnerusumik eqqartuussivimmi misilinneqartussatut saqqummiunneqarsinnaasari-aqartut. Tassunga atatillugu Ataatsimiititaliarsuup tikkuarpai allaffissornikkut aalajangiinerit, piffissamik pineqaatissinneqarfiusussamik

eqqartuussiviup aalajangiineranik kalluaasut (assersuutigalugu misiligummik iperagaanissaq pillugu aalajangiinerit, tak. pinerluttulerinerimi inatsimmi § 246, imm. 1, nr. 1). Aammattaaq Ataatsimiititaliarsuup tikkuarpai aalajangiinerit eqqartuunneqartumik pineqaatissiinermit atorneqartunut naleqqiullugu annertuumik kinguneqartussat (maleruagassanik unioqqutsitsinermit pineqaatitsissutitut ullut arfineq-marluk qaangerlugit kisimiittussanngortitaalluni inissinneqarnerit, tak. pinerluttulerinerimi inatsimmi § 246, imm. 1, nr. 3), tak. isumaliutissiisummi atuagaq 3, (qal-lunaatuaani) qup. 1126.

Justitsministeeria isumaqanngilaq, inuit tigummineqartussanngorlugit eqqartuussasimasut inissinneqarneri nuutsinnissaalluunniit pillugit aalajangiinerit, ima iluseqartut, pinerluttulerinerimi inatsimmi § 246, imm. 1 naapertorlugu eqqartuussivimmi immikkut misiliititsisinnaanermut ilaasariaqarlutik. Tassunga atatillugu oqaatigineqassaaq, Danmarkimi tigummineqartussatut eqqartuussaasimasunik inissiisarneq nuutsitsinerluunniit pillugit aalajangiinerit, pillarneqarnerit naammassinissaat pillugu inatsimmi § 112 naapertorlugu eqqartuussivimmi misiliititsisinnaanermut immikkut periarfissamut ilaanngimmata.

Kiisalu oqaatigineqassaaq pineqanngimmat Kalaallit Nunaanni Pinerluuteqarsimasunik Isumaginnittoqarfiup Aqutsisuisa tigummineqartussatut eqqartuussaanagerup allanngornissaanik aalajangiisinnaanerat. Pineqartutuaq tassaavoq Kalaallit Nunaanni Pinerluuteqarsimasunik Isumaginnittoqarfiup Aqutsisuisa, inuup tigummineqartussatut eqqartuussaasimasup inissinnissaa pillugu, kingornagullu immikkoortortaqarfimmut ammasumut imaluunniit matoqqasumut nuutsinneqarnissaanik aalajangiisinnaanerat.

2.5. Oqaaseqaatit allat

Rigsadvokatip oqaaseqaatigaa, eqqarsaatigineqartariaqartoq inuup Kalaallit Nunaanni tigummineqartussatut eqqartuussaasimasup Danmarkimi napparsimmavimmut paaqqinniffimmulluunniit nuutinneqarsinnaanissaata inatsisitigut tunngavissinnissaa, Danmarkimi napparsimmavimmi uninnganermi tarnikkut timikkulluunniit katsorsarneqarnissaaq pisariaqartoq paasineqarpat. Aammattaaq eqqarsaatigisariaqarpoq inuup taamaattup Danmarkimi Kriminalforsorgip ataani inissiisarfimmud tarnip nakorsaanik aquneqartumut (Herstedvesterimi Parnaarussivik) inissikkallarneqarnissaata

inatsisitigut tunngavissinnissaa, pineqartup Danmarkimi tassanngaan-nartumik katsorsarnissaa pisariaqartoq paasinarsissappat.

Maluginiarneqarpoq Rigsadvokatip oqaaseqaataani pineqartoq tassaasoq Danmarkimi peqqinnissaqarfimmi katsorsaanissaq siunertaralugu nuutsit-sinissaq pillugu apeqqut nalinginnaanerusoq. Taamaalilluni apeqqut Ka-laallit Nunaanni inissiisarfinni inissitanut naleqqiullugu naapertuuttut isigineqarpoq, tigummineqartussat eqqartuussaasimasunuinnaq, inatsimmi matumani pineqartunut, tunnganani.

Justitsministeriap apeqqummut naleqqiullugu susassaqtut naapertuuttut oqaloqatigissavai, tamatumani ilanngullugit Namminersorlutik Oqartussat, Rigsadvokaten, Direktoratet for Kriminalforsorgen aamma Peqqissutsimut Ministeriaqarfik.

Institut for Menneskerettigheder inassuteqaateqarpoq, Justitsministeer-iamut qularnaaqullugu, Pinerluuteqarsimasunik Isumaginnittoqarfiup (Kriminalforsorgen) tigummineqartussat eqqartuussaasimasut Hersted-vesterimi Parnaarussivimmiiginnarniarlutik aalajangertut, siunissamissaaq immikkut isumassorneqarnissaat.

Advokatrådip inassutigaa, tigummineqartussat eqqartuussaasimasut pineqartut, pineqaatissiisummik naammassinninnissamut atugassarititaa-sut piffissami eqqartuunneqarnerfimminni atuuttut attatiinnassagaat.

Direktoratet for Kriminalforsorgen paasissutissiivoq, Nuummi inissiisarfik nutaaq 2018-imi atulerpat, minnerpaamik ukiut marluk ikaarsaariarfius-sasut, piffissamilu tassani tigummineqartussat eqqartuussaasimasunut Herstedvesterimi Parnaarussivimmiiginnarumallutik aalajangertunut neqeroorutit immikkut ittut, tikeraarsinnaatitaanertut imaluunniit qanigisaasunit pulaarneqarnertut iluseqartut, attatiinnarneqassasut (Kalaallit Nunaannut ingiallorneqarluni angalaneq).

Neqeroorutit immikkut ittut allat tassaasut kalaalimerngit, kalaallisut ilin-niartinneqarneq, erinarsoqatigiinneq, kalaallisut naalagiarnerit, pe-rorsaanikkut ikiortit il.il. ilimagineqarput atorunnaarsikkiartuaarneqassa-sut Nuummi inissiisarfitaaq ammarpat.

Ukiuni marlunni ikaarsaariarnerup kingorna tigummineqartussat eqqartuussaasimasut Herstedvesterimi Parnaarussivimmi inissitat allat assiginik pineqaatissiisummik naammassinninnissamut

atugassarititaasunik neqeroorfigineqassapput, taakkununga ilanngullugit tarnip pissusiinik ilimasalimmik aamma/imaluunniit tarnip nakorsaanit allatulli katsorsarneqarnissamut periarfissat.

Institut for Menneskerettigheder inassutigaa, Justitsministeerap qularnaassagaa, Nuummi inissiisarfimmi nutaami suliassatigut, tarnip nakorsaanit katsorsaanikkut allatigullu inissinneqarsimasunut neqeroorutaasussat pillugit piumasaaqatit ersarissut Pinerluuteqarsimasunik Isumaginniffiup eqquutissagai. Tassunga atatillugu **Qeqqata Kommuniata** eqqaavaa, inissiisarfimmi nutaami Danmarkimisut katsorsarneqarsinnaanissaq qularnaartariaqartoq.

Fængselsforbundip eqqaavaa, kattuffiup ernumagimmagu Kalaallit Nunaanni tarnip nakorsaanit tarnillu pissusiisigut naammattumik ikiorserneqarsinnaaneq periarfissaqassanersoq. Kattuffiup aamma eqqaavaa Kalaallit Nunaanni inissiisarfimmi paarsisut naammattumik ilinniagaqanngitsut.

Oqaatigineqassaaq Direktoratet for Kriminalforsorgen-ip ilisimatitsisutigimmagu, Nuummi inissiisarfimmi nutaami suliassatigut, sunngiffimmi sammisassatigut, katsorsaanikkut il.il. periarfissat, sapinngisamik annertunerpaamik neqeroorutigineqartarniartut.

Direktoratet for Kriminalforsorgen-ip aamma Kalaallit Nunaanni Pinerluuteqarsimasunik Isumaginniffiup maannakkorpiaq suliaraat inissiisarfimmi nutaami pitsaasunik naapertuuttunillu suliassaqartitsinissamik pilersitsinissaq.

Aammattaaq Kalaallit Nunaanni Pinerluuteqarsimasunik Isumaginniffiup maannakkorpiaq sulissutigaa tarnip pissusiisigut tarnillu nakorsaanit inissiisarfimmi ikiorserneqarsinnaanissaa, taakkualu ilimagineqarput, Herstedvesterimi Parnaarussivimmiit ikiorneqarlutik, immikkut paarisassanngortitanut immikkoortortaqaqarfimmi tarnip pissusiisigut tarnillu nakorsaanit katsorsaanerit isumagisinnaalissagaat.

Aammattaaq Nuummi inissiisarfimmi paarsisut naapertuuttumik ilinniar-teqqinneqarnissaat pilersaarusiorneqarpoq. Ilinniarnerup ilaa tassaasinnaavoq Nuummi sulisut qitiusumi inissisimasut Herstedvesterimi Parnaarussivimmi ilinniaqqinnerat aamma/imaluunniit Herstedvesterimi Parnaarussivimmi sulisut Nuummi inissiisarfimmi suligallarnerat.

Landsforeningen – SIND-ip malugeqqaa, tigummineqartussatut eqqartuussaani­kut ilaat maanna Riskov-imi tarnikkut katsorsaavimmi uninngammata, aamma tigummineqartussatut eqqartuussaani­kut arlaqartut Slagelse-mi Sikringsafdelingimi inissinneqarnikum­mata. Aammattaaq tigummineqartussatut eqqartuussaani­kut arlaqartut Pinerluuteqarsimasunik Sullissiviup najugaqarfiini najugaqarmata tigummineqarnermiit iperagaa-jartuaarnermut ilaatillugu. Tassunga ilassutitut eqqaaneqarpoq pineqartut inatsisitigut inissisimanerat ersernerluttutut isigineqartoq.

Direktoratet for Kriminalforsorgen-ip ilisimatitsissutigaa tigummineqar-tussatut eqqartuussaani­kut arlaqartut Herstedvesterimi Parnaarussivimmut inissinneqarnikut maanna Aarhus Universitetshospital, Riskov-imi tarnikkut katsorsa­anermut immikkoortortaqaarfimmi uninngasut.

Tigummineqartussatut eqqartuussaani­kut pineqartut Herstedvesterimi Parnaarussivimmut pinerluttuleriner­mi inatsit naapertorlugu inissitaaga-mik, inatsisissatut siunnersuummi § 4, imm. 1-imut ilaassapput, tassani pineqarluni Herstedvesterimi Parnaarussivimmiit Nuummi inissiisar­fimm­ut nutaamut nuutsitsinissaq.

Taamaalilluni tigummineqartussatut eqqartuussaani­kut pineqartut, tarnik-kut katsorsa­anermut immikkoortortaqaarfimmi katsorsartinnertik naammassigunikku, Herstedvesterimilu Parnaarussivimmut utertinneqarlutik, periarfissaqassapput Herstedvesterimi Parnaarussivimmiiginnarnissap imaluunniit Nuummi inissiisar­fimm­ut nutaamut nuutsitaanissap kissaatiginerata isummerfiginissaanut, tak. inatsisissatut siunnersuummi § 4, imm. 1.

Aammattaaq Direktoratet for Kriminalforsorgen ilisimatitsivoq, maannak-korpiaq inuit arlaqartut Herstedvesterimi Parnaarussiviup avataani inis-seqqasut, pinerluuteqarsimasunik isumaginniffiup najugaqarfiisa ilaanniillutik, Inuit Kalaallit Nunaanni pinerluttuleriner­mi inatsit naapertorlugu Herstedvesterimi Parnaarussivimmut inissitat sullinnerat pillugu kaajallaasitami § 6, imm. 4 naapertorlugu. Herstedvesterimi Parnaarussivimmut utertitsisoqartillugu (parnaarussiviup avataaniititsineq ingerlaannarsinnaajunnaartutut nalilerneqartillugu), tigummineqartussatut eqqartuussaani­kut pineqartut, inatsisissatut siunnersuummi § 4, imm. 1 naapertorlugu periarfissaqassapput, Herstedvesterimi Parnaarussivimmiiginnarnissap imaluunniit Nuummi

inissiisarfimmut nutaamut nuutsitaanissap kissaatiginerata isummerfiginissaanut.

Direktoratet for Kriminalforsorgen ilisimatitsivoq maannakkorpiaq tigummineqartussatut eqqartuussaasimasunik Slagelse-mi Sikringsafdelingimiit-toqanngitsoq. Taamali pisoqassappat pineqartoq Herstedvesterimi Parnaarussivimmut uternermini periarfissaqassaaq, Herstedvesterimi Parnaarussivimmiiginnarnissap imaluunniit Nuummi inissiisarfimmut nutaamut nuutsitaanissap kissaatiginerata isummerfiginissaanut, tak. inatsisissatut siunnersuummi § 4, imm. 1.

3. Inatsisissatut siunnersuut

Justitsministeriap inatsisissatut siunnersuut misissorpaa, tassungalu atatil-lugu siunnersuummut 20. december 2016-imiit 18. januar 2017-imut tusar-niaassutigineqartumut naleqqiullugu, inatsisissatut siunnersuummi arlalinnik allannguisoqarpoq.

Siullermik maanna siunnersuummi aammattaaq Kalaallit Nunaanni eqqartuussisarnermik inatsimmi §§ 371 aamma 372 atorunnaarsinneqassasut siunnersuutigineqarpoq.

Kalaallit Nunaanni eqqartuussisarnermik inatsimmi § 371-imi ersippoq, eqqartuussiviup aalajangiiffigisinnaagaa, tigummigallagassanngortinneqartoq Danmarkimi Pinerluttunik Isumaginnittoqarfiup ataani tarnip nakorsaaniit siulersorneqartumik inissiisarfimmut inissinneqassasoq. § 372-imi eqqartuussiviup § 371 naapertorlugu inissinissamik aalajangiinermi periusissaanut malittarisassanik erseqqinnerusunik aalajangersaasoqarpoq. § 372, imm. 3-mi Kalaallit Nunaanni tigummineqartussatut eqqartuussaasimasunut inissiisarfimmik pilersitsisoqarnerani, Justitsministeria pisinnaatinneqartpoq §§ 371-ip aamma 372-ip atorunnaarsinnissaannut.

Aalajangersakkat atorunnaarsinnerisa kingunerissavaat, tigummigallagas-sanngortinneqartut Danmarkimut inissinnissaat inatsisitigut tunngavis-saarutissamat. Tamatuma kingorna tigummigallagassanngortinneqartut aallaavittut maannatut politiit unnuisitsisarfianni imaluunniit isertitsisar-fimmi inissinneqartassapput, tak. Kalaallit Nunaanni eqqartuussisarnermik inatsimmi § 370. Ulluinnarni aallaaviuvoq tigummigallagassanngortinneqartut isertitsivimmut inissinneqarnissaat. Tamatumunnga atatil-lugu Nuummi inissiisarfimmi nutaami immikkoortortaqarfimmut matoqqasumut inissiisoqartarsinnaassaaq - taanna piareerpat.

Inatsisissatut siunnersuummi § 1 aamma inatsisissatut siunnersuummut oqaaseqaatini nalinginnaasuni imm. 3.2, kiisalu § 1-imut oqaaseqaatit innersuunneqarput.

Aappaattut siunnersuummut tusarniaassutigineqartumut naleqqiullugu, inatsisissatut siunnersuummut oqaaseqaatini erseqqissarneqarpoq, pinerluterinermermi inatsimmi § 241, imm. 4 (siunissami § 241, imm. 6) naapertorlugu piumasarineqartoq, Kalaallit Nunaanni Pinerluuteqarsimasunik Isumaginiffiup Aqutsisuisa tiggummineqartussatut eqqartuussaasimasup immikkoortortaqaarfimmut ammasumut inissinnissaanik, imaluunniit immikkoortortaqaarfimmit paaqqinniffiusumiit immikkoortortaqaarfimmut ammasumut nuutsinnissaanik aalajangiinissaat sioqqullugu, Rigsadvokatimit oqaaseqaammik piniaqqaartoqarnissaa pillugu malittarisassaliortoqassasoq. Aammattaaq inatsisissatut siunnersuummut oqaaseqaatini erseqqissarneqarpoq, inatsisissatut siunnersuummi § 4, imm. 4 naapertorlugu, justitsiministerip imaluunniit justitsiministerip pisinnaatitaata immikkoortortaqaarfimmut ammasumut nuutsitsinissamik aalajangiinnginnerani, Rigsadvokatimit oqaaseqaammik piniaqqaartoqartarnissaa pillugu malittarisassanik aalajangersaasoqarnissaa piumasarineqartoq.

Inatsisissatut siunnersuummi § 2, nr. 2-4, aamma § 4, imm. 4, kiisalu inatsisissatut siunnersuummut nalinginnaasumik oqaaseqaatini imm. 3.2, 3.3.2 aamma 3.4.2 aamma § 2, nr. 2-4-mut, kiisalu § 4, imm. 4-mut oqaaseqaatit innersuunneqarput.

Pingajuattut siunnersuummut tusarniaassutigineqartumut naleqqiullugu, inatsisissatut siunnersuummut oqaaseqaatini erseqqissarneqarpoq, ilaatigut immikkoortortaqaarfimmut paaqqinniffiusumut nuutsitsisoqarsinnaasoq imaluunniit utertitsisoqarsinnaasoq, inissiisarfiup illutai ima allanngortineqarpata, inissinneqarsimasup inissiisarfimiiginnarnissaa isumannaal-lisaanikkut illersorneqarsinnaasutut isigineqarsinnaajunnaarluni.

Tassungaa atatillugu inatsisissatut siunnersuummi § 2, nr. 4-mut (§ 241, imm. 4-tut aamma § 241, imm. 5, naggatit aappaattut siunnersuutigineqartumut) oqaaseqaatini erseqqissarneqarpoq piumasarineqartoq, Kalaallit Nunaanni Pinerluuteqarsimasunik Isumaginiffiup Aqutsisuisa immikkoortortaqaarfimmut paaqqinniffiusumut nuutsitsinissaq imaluunniit utertitsinissaq pillugu apeqqut isummerfigisassagaat, nuutsitsinissaq utertitsinissarlunniit pisin-

naanngorlugit, inissiisarfiup illutaanik allannguisoqalinnginnerani. Ilutigisaanik inatsisissatut siunnersuummi § 4, imm. 2, naggatit aappaannut oqaaseqaatini erseqqissarneqarpoq piumasqaataasoq, justitsministerip imaluunniit justitsministerip taamaaliornissamut pisinnaatitaata immikkoortorta qarfimmuut paaqqinniffiusumut nuutsitsinissamik apeqqut isummerfigisassagaa, nuutsitsinissaq utertitsinissarlunniit pisinnaanngorlugit, inissiisarfiup illutaanik allannguisoqalinnginnerani. Kiisalu inatsisissatut siunnersuummi § 4, imm. 3-mut oqaaseqaatini erseqqissarneqarpoq piumasqaataasoq, immikkoortorta qarfimmuut paaqqinniffiusumut nuutsitsinissamik apeqqut eqqartuussivimmuut saqqummiunneqassasoq, nuutsitsinissaq utertitsinissarlunniit pisinnaanngorlugit, inissiisarfiup illutaanik allannguisoqalinnginnerani.

Inatsisissatut siunnersuummi § 2, nr. 4-mut, § 4, imm. 2, naggatit aappaannut, aamma § 4, imm. 3-mut, kiisalu inatsisissatut siunnersuummuut nalinginnaasumik oqaaseqaatini imm. 3.3.1, 3.3.2, 3.4.2 aamma 3.4.3 aamma § 2, nr. 4-mut, § 4, imm. 2, naggatit aappaannut, aamma § 4, imm. 3-mut oqaaseqaatit innersuunneqarput.

Sisamaattut inatsisissatut siunnersuummuut nalinginnaasumik oqaaseqaatini erseqqissarneqarpoq, tak. imm. 4, Herstedvesterimi Parnaarussivimmi inissat arlaqartut ingerlateqqinneqarsinnaassasut, tamannalu aningaasartuuteqarnerunermik nassataqassasoq. Aningaasartuutaanerusut taakku Justitsministeeriap sinaakkutaanit pioreersunit akilerneqassapput. Tamanna pillugu qulaani imm. 2.2-mi allaaserineqartut innersuunneqarput.

Taakku saniatigut oqaatsitigut inatsisilerinermilu periutsinut tunngasutigut allannguisoqalaarpoq.